

# فَقِيْرَةٌ وَتَعْرُفُ الْكَلْبَ مِنْ

بَيْنَ عَيْنَيْهِ اَوْصِيَانِ



فِي مَرَاتِي اَهْلَ الْبَيْتِ الطَّاهِرِينَ

لِشَاعِرَةِ رَهْلِ الْبَيْتِ

الْمَلَايِكَةِ سَيِّدَةِ بَجَاوِي

اَنْسَاكَ الْبَيْتِ الْبَيْتِ الْبَيْتِ





# فَقِيْرَةٌ وَرَمْعٌ الْحَزِيْنُ

مِنْ عَنَةِ اَوْعِيْنِ

فِي مَرَاتِي اَهْلُ الْبَيْتِ الطَّاهِرِيْنَ ء

لِشَاعِرَةِ رَهْلُ الْبَيْتِ ء

الْمَلَايَةِ سَيِّدِهِ رَجَاوِي

رِنْسَانُ الْبَيْتِ الْبَيْتِ الْبَيْتِ

# بِسْمِ اللَّهِ الرَّحْمَنِ الرَّحِيمِ

الشابك : ١ - ٩٩ - ٦٠٤٦ - ٩٦٤

ISBN : 964 - 6046 - 99 - 1

الكتاب : دمة الحزين

المؤلف : شهيد ربيح اوي

الناشر : انتشارات الشريف الرضي

عدد الصفحات والقطع : ١٠٨ صفحة و١٠٨

الطبعة : الاولى - ١٣٧٩

عدد المطبوع : ٢٠٠٠ نسخة

المطبعة : شريعت - قم

السعر : ٧٠٠ تومان



بسم الله الرحمن الرحيم والحمد لله رب العالمين  
على ما أنعم علينا وهدانا وما كُنَّا مهتدين  
والصلاة والسلام على أبي القاسم محمد ﷺ خاتم النبيين  
والصلاة والسلام على أمير المؤمنين  
والسلام على فاطمة الزهراء سيدة نساء العالمين  
والحسن والحسين والأئمة الطاهرين  
والسلام على قمر بني هاشم أبي الفضل العباس المخلص الأمين  
والسلام على كُلِّ شهيدٍ من أنصار الحسين  
أهدي قصيدتي دمعة الحزين من حنّه أو حنين  
هدية بسيطةً إلى من فدى نفسه وأهل بيته لأجل الدين  
سيدي ومولاي أبي الأحرار أبي عبدالله الحسين  
وأرجو القبول منه والتوفيق من الله رب العالمين  
وصلّى الله على محمد وآله الطاهرين

خادمة أهل البيت أم سعيد

## بسم الله الرحمن الرحيم

بدأت القراءة وأنا في الثانية عشر من عمري على يد خالي مُلا يوسف النعيماوي في سنة ١٣٦٤، وعلمني القصيد والنعي حوالي أقل من شهر وبعدها أخذتُ أطلع في الكتب حتّى تعلّمت إلى كلّ الأطوار وأحمد الله على هذه النعمة التي أنعمها عَلَيَّ والفضل كُلّه يعود لوالدتي العزيزة التي وَفَّرتْ لي جميع ما أحتاج إليه من الكتب، وكلّ الشكر إلى خالي الذي علّمني القراءة والطريقة حيثُ أنّي كنت لم أقرأ القرآن وبدت أقول الشعر وأنا في الخامسة عشر من عمري حتّى منّ الله عَلَيَّ وأكملتُ قصيدة حنّه أو حنين في الجزء الأول والثاني وهذه الذي بين أيديكم هي الجزء الثالث من دمعة الحزين، وأرجو القبول من الله ربّ العالمين.

خادمة أهل البيت أم سعيد ربحاوي

## لطمية في اليوم الأول

نصّبوا المآتم يهل العزيّه عاشور إجانہ يالجعفريّه

\* \* \*

يهل العزيّه نصّبوا المآتم واجب عليه انعازي فاطم  
وانعازي زينب أمّ الهظايم من بعد أهلها ظلت سبيّه

\* \* \*

يالجعفريّه عاشور إجانہ واجب عليه نحزن ترانه  
او تذکر احسين واهله واخوانه ظلّوا على الكاع كلهم رميّه

\* \* \*

واجب عليه يا شيعه كل عام ننصب عزيّه او نلطم على الهام  
وانعازي فاطم او حيدر الضرغام وانجدّد النوح صبح او مسيّه

\* \* \*

يالجعفريّه زيدوا بالونين واتذكروا دوم امصيبة احسين  
ظل ثلث تيام من غير تجفين او راسه يوسفه ودّوا هديّه

\* \* \*

والبطل عباس ذاك الغضنفر عالشاطي يا حيف نايم امطبر  
وامكطّعه ايديه والراس منطر والعلم مرمي يمّ الشفيّه

\* \* \*

او فجعة القاسم تمرّد للكلوب في يوم عرسه كاصد للحروب  
او ما بين ابحارب لن وگ مصيوب او فاضت يوسفه نفسه الزكيّه

وامصاب الأكبر اشلون أنساد  
او لن صابه ملعون اوللأرض أرداد  
من راح ايحارب يا شيعه لعداه  
او ناده يبويه الحگ عليّه

\* \* \*

او غصّة الحسين والله فجيعة  
او راحت أسيره بعده الوديعة  
چتلوا اخوانه او ذبحوا رضيعة  
وامدنگه الراس بتّ الزچيّه

### نعي في اليوم الأول

هلّ الهلال او زاد نوحى  
واخلافهم تكثر اجروحى  
او لاحت على الخوان روحى

\* \* \*

لهلال مظلّم شولفانى  
وابگه ذليله يا زمانى  
او خوفى يتركونى اخوانى

\* \* \*

شنهو السبب من دون الشهور  
خوفى انسبى واتموت البدور  
مظلّم لفانى اهلال عاشور

\* \* \*

كلبى رجف من شفت الهلال  
خوفى نطل ابوليت أنذال  
مظلّم يخيه او شیده الببال

\* \* \*

لهلال مظلّم هل عليه  
وادخيل رده للمدينه  
والراى شنهو يا ولينه

\* \* \*

من شفت الهلال انخطف لوني      او تهمل دمع گامت أعيوني  
او خاف الحياده إيسيبوني

\* \* \*

عكب الحياده خاف أسيبن      او وَيَّه الغرب حرمه أروحن  
او ياريت أموت او لا أذلن

### لطميه في اليوم الثاني

من يوم ثاني      زادت أحزاني  
او ظلّيت يهلي حايره او دهري رماني

\* \* \*

بلوه بلوتي      خوفا اعله اخوتي  
او ظلّيت ألوجن وانتحب دهري رماني

\* \* \*

إلحر إجانه      ابجيشه او لفانه  
او گصده يحارب يا هلي دهري رماني

\* \* \*

خابن إلظنون      أبچن يالعيون  
او چنّ أهلي خطار دهري رماني

\* \* \*

طگني زماني      بهلي او رماني  
او خوفا أروح اويه الغرب دهري رماني

\* \* \*



يابو المحنّه رذنه الوطنّه  
او خوفى علىك امن الغدر خويه ترانى

\* \* \*

كلها يزىنب والكلب عطبّ  
ما تنفع الرجعه بعد دهري رمانى

\* \* \*

كلها انغلبنه خويه ترده احنه  
والحر دشوفيه ابجيشه لفانى

\* \* \*

ما ينفع اللوم خويه يچلثوم  
هالامر محتوم تجتل إخوانى

\* \* \*

تچتل زلمنه هذه غدرنه  
وانستن تسيين دهري رمانى

### لطميه في اليوم الثالث للنزول بأرض كربلا

زىنب تنادى يشيعه أموجّه لا تبني لخيام يخويه ابكربله

\* \* \*

خويه يضرغام لتبنون الخيم خوفى علىكم ترانى او عالحرم  
او خوفى عكبكم يخويه أنهظم وابگه ذليله او دموعى هامله

\* \* \*

خويه يعباس رفلش هالبته والوطن جدرنه يوالى رذنه

خوفي تموتون واطل إمّجنه واتكلّفوني يخوتي ابعايه

\* \* \*

خويه يعبّاس يشيال اللّوه لا تبني لخيّام يخويه ابنينوده  
خوفي عليكم بني هاشم سوده ترحون كلّكم واطل أموجلّه

\* \* \*

خويه يعبّاس يبن حيدر علي أرجوك ردني يوالي المنزلي  
خوفي تموتون وأطل ابلا ولي أو تبغه جثتكم يخويه امجدله

\* \* \*

خوفي بعدكم أروح اميسّره وانتم تظّلون نيامه اعلى الثرد  
وابغه غريبه يخويه او حايره واتمخّونني يبن عقد الوله

\* \* \*

ردني للديار يخويه يا بطل ماريد أظّلن يوالي أبهالنزل  
من هل أراضى أشو جسمي نحل او ماريد أظّلن يخويه ابكريله

\* \* \*

ردّوني هالساع يخويه للوطن مابيه عالظيم تراني او عالمن  
او من كثر ميجي ترى أعيونني عمن أو خوفي بعدكم أضيعن بالفله

### لطميه في اليوم الثالث لنصب الخيام

يوم النصبوا إخيمنه ظلّيت أجذب الوثّه

\* \* \*

يوم الدكّوا الخيمات ظلّيت أجذب الوثّات  
ايسلمون الأهل هيّهات أو منهم خابت الظنّه

منهم خابت اظنونني      او خافنهم يسييونني  
والعدوان يولونني      وابگه ابغيله ميمحنه

\* \* \*

زينب نادت الريسان      خويه لا تدگ صيوان  
خافن تغدر العدوان      واتروحون من عدنه

\* \* \*

اوياكم ليش جبتونه      يهلي او محنيتونه  
گوموا ابساع ردونه      يسباع الوطن جدنه

\* \* \*

يبوقاضل يكافلنه      ردونه المنازلنه  
او لا تنصب خيام النه      خاف اعداك توصلنه

### نعي في اليوم الثالث

الكربله جينه ابجمعنه      واخيامنه بيها نصبنه  
لاكن ابگلي ألف ونه

\* \* \*

خوفي أنه من كربلايه      تجتل براضيه الصبايه  
وافگد هلي البيهم إكفايه

\* \* \*

يا رفعت الوليان حلوه      او يارفتگ العدوان گوّه  
او للظيغ ردهام الإخوه

\* \* \*

عَفَنه أَهَالِينه او بِلْدَنه      وَالكِرْبَلَه كَلْنَه كَعْدَنه

او نَصْبِنه چَوادرنه او كَعْدَنه

\* \* \*

نَصَبُوا چَوادرنه الشَّجَعان      او عَباس مَتَنومس او فَرحان

او خَوْفِي عَلَيْهِم مِّن العَدْوان

\* \* \*

يَا كِرْبَلَه جِيناچ كَلْنَه      او عَفَنه مَنازِلْنَه او وِطَنَه

او خَافن تَغْذِرِين إِباَهْلَنه

\* \* \*

خَافن يَمِيشومَه تَغْذِرِين      بَهْل المَحْتَه وَالمُسْلِمِين

وَانْظَل غَرابِيب نَسْجِب العِين

**لَطْمِيه فِي اليَوْمِ التَّالِثِ عَن حَالِ زَيْنَب عَلَيْهَا السَّلَام تَخاطِبِ العَباس عَلَيْهِ السَّلَام**

لا تَضِيعُونِي خَوِيه يَعْيونِي      وَالبَلَد جَدِّي بِاللَّهِ رَدُّونِي

\* \* \*

بِاللَّهِ رَدُّونِي لِلوَطَن هالَساع      او لا تَدْغ صِيوان خَوِيه ابَهْل كاع

خَافن اَتَموتون واحنَه نَمسي اَضِيع      او مَن يَحامِينَه خَوِيه يَعْيونِي

\* \* \*

خَوِيه يا عَباس لا تَدْغ صِيوان      او لِلوَطَن رَدْنَه يا كَمَر عَدنان

او كَلْبِي اعْلِيكُمْ يا اَسَد حيران      او خَافن اَتَموتون وَآنَه يَسِيونِي

\* \* \*

زَيْنَب اَتَنادِي وَالدَمع يَجري      خَافن اَتَموتون يا بَعْد عَمري

وابگه مسبيّه او ينهتك سِترِي      واعتب اعليمن خويه يعيوني

\* \* \*

گَلِّي يا عباس من يحاميني      من عگب عيناك يا بعد عيني  
او خافن العدوان خويه تسبيني      وابگه محتاره خويه يعيوني

\* \* \*

گلهام يم طاهر خويه لتهمين      كلنه عد عيناچ واحد او سبعين  
إشحدّه اليدناچ بيبت حامي الدين      والله لفنيهم خويه يعيوني

### نعي في اليوم الثالث

حملوا خوال ابني لَلْظَعُونَ      والكربله انووا يشيلون  
او خوفي عليهم ما يسلمون

\* \* \*

حَمَلُوا خِوَالَ ابْنِي ظَعْنَهُمْ      وَأَنَّهُ كِطَعَتِ الْيَأْسَ مِنْهُمْ  
او للموت متعتين چنهم

\* \* \*

للموت چنهم مستعتين      او حملوا ظعنهم والنساوين  
او خوفي على الشبان واحسين

\* \* \*

حملوا أخوتي الكربلايه      والموتهم راحوا اعنايه  
او خوفي على ارگاب الصبايه

\* \* \*

خوفي على الشبان يگضون او كلهم على الغبرد يظلون  
واحته يساره بينه يمشون

\* \* \*

عباس خويه يالحنين أرجوك لا تبني صواوين  
خوفي عليك او عالمسلمين گلها يخويه لا تهمين  
او نامي ابسدي او لا تخافين دونچ يساري او حتة اليمين

\* \* \*

گالت لخواها الهاشميه سالم عستك يا شفیه  
او خيمه تظل واتفیی عليه

**لطميه في اليوم الثالث عن حال زينب ؑ تخاطب الحسين ؑ**

ياابوالمحنه ردنه الوطنه  
أرجوك ردني المنزلي ياابوالمحنه

\* \* \*

گلها یحره او یجذب الحسرد  
ما تنفع الرجعه بعد خويه انغلبنه

\* \* \*

نادته یحسین خويه یالحنین  
خوفي علیکم یالولي یاابوالمحنه

\* \* \*

خويه یضرغام لا تبني لخیام  
وابکربلایه لدک خیمنه



يهلي امتحنه او عفنه وطنه

جبتونه اوياكم غصب يهل المحنه

\* \* \*

يا كربلايه يمّ المنياه

بيج النشامه تنچتل واحنه منوالنه

\* \* \*

يوم أخبروني هملن اعيوني

وابكربلايه تچتل زلمنه

\* \* \*

حنّ ابواليمه وازدادي همّه

من شاف زينب تبجي او سکنه

\* \* \*

يوم النظرهن يسجب دمعهن

حنّ او تزقّر وازدادي ونّه

\* \* \*

گلهن لتبچن گلبی گطعتن

او ماينفع النوح هذه غدرنه

\* \* \*

خويه يم طاهر هذه المقدر

نچتل ظمايه او تحرگ خيمنه

\* \* \*

## لطميه في اليوم الرابع لفاطمة الكبرى ؑ عندها رحلوا أهلها

أمست ذليله وسفه العليله او شالو أهلها وامست نحيله

\* \* \*

أمست ذليله الكبره بعدهم واتگولي شالو أهلي الأحبهم  
وحدي أتركوني ما چني بتهم او بالنزل ظلّيت وحدي ذليله

\* \* \*

حَسَّبْتِ الأحباب هم ياخذوني تاليها بالدار وحدي أتركوني  
والمرض ذلني وانخطف لوني أو ظلّيت ألوجن والدمع أسيله

\* \* \*

ليلي او نهاري ما بطل ابچاي وأذکّر أمي الجانت اوياي  
تالي أترکتني او خيبت رجواي وأمي مگالت بتي عليه

\* \* \*

بتي عليه ما گالت أمي او خلّتني وحدي وازداد همي  
او كلما أبواع حسبالي يمي او يمه أصيحن روعي نحيله

\* \* \*

روحي نحيله وانهدم حيلي او ظلّيت ألوجن واتذکّر أهلي  
او منهم يشيعه محّد رجعلي وامصابي يا ناس مامش مثيله

\* \* \*

مامش مثيله امصابي يا ناس أو ظلّيت أنوحن والطم على الراس  
واتنظرّ ايجون لكبر او عباس او ما شفت راحه او لا نمت ليله

\* \* \*

ما شفت راحه يهلي تراني  
أو منكم بالأحباب محّد إجابي  
والمرض ذلني أو غير ألواني  
واليمرض أهله عادة تجيله

\* \* \*

اليمرض أهله أسمعنه يجونه  
أو وكت المنيّه ايّجبّلونه  
ايّتجّوله بهداي وايمدّدونه  
وأنه أتركوني أهلي ذليله

### هوسات في اليوم الرابع

ظلّت فاطمه تنعى إبّلد جدّها  
أو لا واحد بگه من الأهل عدّها  
أو تنتظرّ يجيها احسين والدها  
(ماجوها من يوم الشالو)

\* \* \*

عاف احسين بتّه أو حمّل العيله  
أو تنتخبّ بگت والمدمع اتسيله  
أو ظلّت بالنزل مالومه واعليله  
(مالومه تنتخبّ ظلّت)

\* \* \*

خلّاني أبوي أو حمّل اظعونه  
أو ما شفنه المريض أهله يعوفونه  
أو مالومه بگيت أو روي مسحونه  
(خلّاني بس أنه الوالد)

\* \* \*

يبويه ليش لديران عفتوني  
أو يجوني لكبراو عباس بالوالي وعدتوني  
أو تدروني مريضه أو ما خذيتوني  
(ماجوني شو عمّي أو لكبر)

### لظميه في اليوم الرابع عن حال العليله

أريد أگعد على درب اليمرون  
واستلهم على أهلي هم يعودون

\* \* \*

أَسْأَلُهُمْ عَلَى أَهْلِ الضَّيْعُونِي      بَيْتَهُ هُمْ حَجُّوا لَوْلَهُ نَسُونِي  
عَافُونِي مَرِيضُهُ أَوْ مَحْتُونِي      أَوْ مَا ظَنَّنِيْتَهُمْ بَيْتَهُ يَظْطَعُونَ

\* \* \*

صَارَ الْهَمُّ وَكْتَ بَعْدُوا عَلَيْهِ      أَوْ لَا كَالِوِ ابْنِيْتَتَهُ خَطِيَّتَهُ  
أَوْ عَافُونِي غَرِيْبَهُ وَاجْنِيْبِيَّتَهُ      أَوْ كَلَّ وَكْتِي أَنْوَحَ أَوْ كَلْبِي مَحْزُونِ

\* \* \*

خَلَّوْنِي أَنْوَحَ أَوْ دَمْعِي هَالِي      أَوْ خَلَّوْنِي ذَلِيْلَهُ أَوْ حِيْلَ مَالِي  
أَوْ عَافُونِي غَرِيْبَهُ ابْغِيْرَ وَالِي      أَوْ مَا نَشَفْتَ دَمْعِي أَتَهْلَ الْعِيُونِ

\* \* \*

يَمَّهَ اعْلِيْجْ مَا نَشَفْتَ دَمْعِي      أَوْ بَيْتَهُ مَا حَجِيْتِي أَوْ لَا نَشَدْتِي  
أَوْ لَا كَلْتِي ابْنِيْتِي أَوْ لَا رَجَعْتِي      أَوْ لَا كَلْتِي الْعَلِيْلَهُ حَالِهَا أَشْلُونِ

\* \* \*

عَلِيْهِ مَسْأَلْتِي لِيْشَ يَمَّهَ      أَوْ كَلْبِي يَا أَحْبِيْبِيْهِ زَادَ هَظْمَهُ  
وَابْعِيْنِي يَمَّهَ الدُّنْيَا ظَلَمَهُ      وَأَرْجَبَ لِلدَّرْبِ بَلَكْتَ تَعُوْدُونَ

\* \* \*

رُوْحِي أَمْرَمْرَهُ يَمَّهَ تَرَانِي      أَوْ جَايَدْنِي الْمَرَضَ وَالْهَمَّ عَلَانِي  
أَوْ لَا وَاحِدَ رَجَعَ مِنْكُمْ خَذَانِي      أَوْ مَا ظَنَّنِيْتِكُمْ بَيْتَهُ تَظْطَعُونَ

\* \* \*

أَرْتِي لِلْعَلِيْهِ ابْغَلْبَ مَالُومِ      أَرِيْدُنَهَا تَفَرِّجَ عَنِّيْ لَهْمُومِ  
ابْجَاهَ الْمَاتِ مِنَ الْمَايِ مَحْرُومِ      أَوْ تَحْضُرْنِي أَرِيْدُ أَوْ يَهَ الْيَدْفَنُونَ

### حديث في اليوم الرابع

قال الراوي: لما أراد الحسين عليه السلام الخروج من المدينة إلى أرض كربلاء هوَّه

وأهل بيته جميعاً، فلمّا عزموا على المسير وحمّلوا الطعّانين وشدّوا الرّحال وركّبوا النساء والأطفال تبعتهم فاطمة الكبرى تمشي وتعثر بأذيالها من شدّة المرض وكانت نحيلة الجسم مُتغيّرة اللون فنادت بصوتٍ حزين: قفوا للعيلة المريضة حتّى تتودّع منكم.

قال صاحب الحديث: فالتفت الحسين عليه السلام إلى ابنته فقال لأصحابه: الرّحال فقد تبعتنا فاطمة الكبرى العيلة، فوقفوا إليها، فلمّا وصلت إليهم وهي بهذه الحالة خنقته العبرة وسالت دموعه على لحيته الشريفة فقال لها: بُنّيّة يا فاطمة ارجعي وتسلّي بجوار جدّك محمد صلى الله عليه وآله. فقالت له: يا والدي كيف تتركوني وحيدة غريبة وأنا في هذه الحالة مالي أنيس في الديار يواسيني على مصيبتني فبالله عليك أن تأخذني مع أمّي وأخواتي وعمّاتي. فقال لها الحسين عليه السلام: لا بدّ لك من الرجوع إلى دارك والبقاء في جوار جدّك. فقالت له: يا والدي إذا كان لا بدّ لي من الرجوع إلى المدينة فدعني أودّع أمّي وأخواتي وجميع العائلة. فقال لها الحسين عليه السلام: يا بُنّيّة لك ذلك.

قال الناقل: فودّعت أمّها وأخواتها والنساء ودموعها سائلة على خديها والنساء يبكين على حالها وهي تبكي وترتعش من شدّة الألم، فساروا أهلها جميعاً إلى أرض كربلا، فرجعت فاطمة الكبرى إلى دارها حزينّة كئيبة ذليلة منكسرة وجعلت تنعي أهلها وتقول:

### نعي من بعد الحديث

أهلي أرحلوا وآنه أرجب لهم      او شالوا وخلّوني ابنزلهم

او غرب عمت عيني ظعنهم

\* \* \*

اشلون المريض اهله تعوفه او لا طارش اتودّي يشوفه  
او عتبي على السكنوا الكوفه

\* \* \*

ابحالي يبويه ما دريتوا او بتنه مگلتوا وارجعيتوا  
واشعاگکم عني او جفيتوا

\* \* \*

أنسيتوا يبويه حيف بتکم وآنه مريضه او رايدتکم  
أظنن أطروشي ما لفتکم

\* \* \*

أطروش ودّيت او مراسيل او بيهن اعتاب اينزل الحيل  
او روجي حزينه او دمعي ايسيل وأهلي اترکوني او شالوا ابليل

\* \* \*

إسمعنه المريض أهله تجيله او تداوي اجروجه او تتجيله  
واهلي أرحلوا وآنه عليه او ظلّيت مالومه او نحيله

\* \* \*

اعتاب أرد أودّي للنسوني واگلهم عليمن ما يجوني  
او بتنه مگالوا واذکروني

\* \* \*

شفنه المريض أهله تباريه او تگعد احذاله او تمد رجليه  
وتجلّب اجروجه او تداويه

\* \* \*

ظلّيت مالومه او وحیده او مجروح گلي وشيهيده  
او عتبي على الوالد أزيده



## لطميه في اليوم الرابع

ظَلَّيْتُ أُجْذِبُ الحسره      يوم السافروا عَنِّي

\* \* \*

يوم السافروا ذَلَّيْتُ      او دمعي عالوجن هَلَّيْتُ  
والطم عالصدر ظَلَّيْتُ      يهلي او ما بطل وَنِّي

\* \* \*

أنوح او ما بطل نوحِي      يهلي او زادن اجر وحي  
او ما تحمل هظم ر وحي      يهلي والمرض ذلني

\* \* \*

مريضه او تهمل اعيني      واهلي خيبوا اظنوني  
او وحدي ابيديره حَلَّوني      او لا نشدوا بعد عَنِّي

\* \* \*

ما نشدوا ولا جوني      او ما ظنَّيْتُ ينسوني  
وسفه الأهل ضيعوني      والشفجات ما جَنِّي

\* \* \*

ما جَنِّي الحبايب ليش      واتسلَّه بعدهن بيش  
او ما يهنالي بعد العيش      والشوغات خلصني

\* \* \*

خَلصيت او نحل جسمي      او زادت لوعتي او هَمِّي  
والعمَّات مويمي      او منهو اللَّي يَجَلِّبني

\* \* \*

فرگاکم هدم حیلي      یهلي او ما نمت لیلي  
او زادت لوعتي او ویلي      او لحظه ما بطل ونّی

\* \* \*

منهو ایدير الوساده      یهلي وکت الترادہ  
او گلبي اعلاج ما فاده      او شوقنکم تشافینی

\* \* \*

أرثي للعليله أنه      او منّي الروح نحلانه  
ابجاد احسين واخوانه      تقبل هالرثی منّي

### حدیث فی الیوم الرابع لفاطمة الكبرى ؑ

روي أنّ الحسين ؑ لما أراد المسير إلى أرض كربلاء هو وأهل بيته جميعاً فبينما هم سائرین إذ تبعتهم فاطمة الكبرى ودموعها سائلة على خديها وهي تنادي: قفوا إلى ابنتكم العليّة، قفوا إلى المريضة حتّى تتوّع منكم قبل الرحيل، فلما سمعوا صوتها وهي تنادي وقفوا ونوحوا الرّجال إليها، فوصلت إليهم وهي حزينة كئيبة ولا تقدر أن تتكلّم من شدّة المرض، فتوادعت معهم واحداً بعد واحد، فذهبوا جميعاً إلى أرض كربلاء ورجعت فاطمة الكبرى منهم حزينة وتمشي وتعثر بأذيالها ويبكي العدو على حالها حتّى وصلت إلى دارها وكانت نحيلة الجسم باكية العين، فمضت عليها أيامٍ وليالٍ وهي حزينة على فراق أهلها وتبكي الليل والنهار، فجعلت كلّ يوم تخرج من دارها وتنتظر قدوم عمّها العباس وأخيها علي الأكبر لعلّهم يرجعون ويأخذونها إلى أمّها وأخواتها وعمّاتها.

قال صاحب الحديث: فمرّت عليها أيّام كثيرة وهي على هذه الحالة ولم

يرجع لها واحداً من أهلها فجلست حزينه كئيبة مُنكسرة فكتبت كتاباً تقول فيه:  
بسم الله الرحمن الرحيم، من الضعيفة المريضة الذليلة الغريبة، أمّا بعد؛ فقد طال  
الفراق عَلَيَّ ولقد تقطّع نياط قلبي من شدّة المرض والانتظار وضافت بي الدنيا  
ولم يرجع واحداً منكم ليأخذني ويرأف بحالتي لكي أراكم قبل الممات هذه  
وسلامي إلى والدي وعمامي وجميع العائلة والسلام عليكم ورحمة الله  
وبركاته، وطوت الكتاب فسلمته بيد الأعرابي وجلست تحنّ وتئنّ من قلبٍ  
حزين على فراق أهلها وهي تقول:

### نعي بعد الحديث

لا خبير ودّيتوا إليّه      او لا گلتوا الكبرى خطيه  
وافراگکم طوّل عليه

\* \* \*

إسمعنه المريض أهله احذاله      او تگعد تسئله عن أحواله  
وانتم ولا ابعتتوا رساله

\* \* \*

إسمعنه المريض ايجابلونه      او لو راد ماي ايشربونه  
او وکت المنيه ايجبلونه

\* \* \*

زادت اجروحي واهتظامي      او محّد رجعلي من عمامي  
وافراگهم حرّم منامي

\* \* \*

طال السفر وآنه انتظرکم      او عيني ربيّه اعلى دربکم  
او حيلي ضعف يا من يگلکم

طال السفر وانقطع ظنّي      او لا خير من عدكم وصلني  
او ظلّيت ألوج او زاد ونّي

\* \* \*

ظلّيت ألوج أو باد حيلي      أو لفراگکم سهرانه ليلي  
واغيايکم مارِدْ دليلي

لطميه في اليوم الرابع عن حال فاطمة الكبرى عليها السلام عندما رحلوا أهلها

أهلي نسوني      او ما ظن يجوني  
او خلّوني ألوجن وانتحب أهلي نسوني

\* \* \*

ساگوا ظعنهم      وأنه ارجب لهم  
وارجعت وحدي للنزل تهمل اعيوني

\* \* \*

خلّوني وحدي      او دمعي اعله خدي  
واتنظرّ ايجون أهلي نسوني

\* \* \*

أتنظرّ ايجون      بيّه او يمرّون  
او ليّه مرجعوا أهلي نسوني

\* \* \*

چم دوب أتاني      ظلمه المباني  
او ما أحمل افراگ واهلي نسوني

\* \* \*

زاد اهتظامي او كثرة آلامي

او طول سفرهم أهلي نسوني

\* \* \*

طول سفرهم وآنه احسب الهم

هاليوم باجر بلجت يجوني

\* \* \*

ليئه مردوا والكلبي مروا

او زادت اهمومي واهلي نسوني

\* \* \*

المرض ذلني والهم چتلتني

او ما أگدر أنسه واهلي نسوني

\* \* \*

ما بطل نوحني او زادن اجر وحي

او من كثر مچي راحن اعيوني

\* \* \*

راحن العيون والكلب محزون

او خلوني وحدي بالنزل أهلي نسوني

**نعي في اليوم الخامس عن حال حميده**

يا والدي طول مغيبه او سافر او خلاني غريبه

وادموع عيني اعليه سچيبه

\* \* \*

يابوي ليش اتعوفني ليش واتسلّه عگبک يالولي بيش  
او عگبک فلا يهنالي العيش

\* \* \*

يا والدي طول مغيبك او شلّي احياتي اخلاف عينك  
او عني ارحلت وامنين أجيبك

\* \* \*

يعميّ الأبو ما يصح مثله او مظلم يظل لو راح نزله  
او بعده رگلي اشلون أسله

\* \* \*

حنّ السبط والله او تأسّف او گلها يبويه او دمعه يذرف  
مؤ بس عليّ اغيايه يكلف

\* \* \*

ظلّ السبط يصفج يمينه او گلها يبويه يا حزينه  
مسلم صعب يومه عليّنه

\* \* \*

صاحت يعميّ اشلون بيّه اغياب الأبو يكلف عليّه  
او شمّرني يتيمة واجنبيّه

\* \* \*

صاحت يعميّ الله واكبر والدمع فوگ الوجن حدّر  
إفراگ الأبو للكلب يكسر

\* \* \*



## هوسات في اليوم الخامس في رثاء مسلم بن عقيل ؑ

ألف وسفه اعلى مسلم خاتته العدوان

او ظل بين العده وسفه الأسد حيران

او جسمه عمت عيني اشخل امن الزان

(ظل حاير وايدير ابعينه)

\* \* \*

حميده امن أخبروها الوالد اتوفه

صاحت صوت بويه ألف وسفه

إمئتك ينغدر يا شايل الكفه

(والمئتك وسفه ايغدرونه)

\* \* \*

يبويه ليش گلي ضيعت بتك

او مالومه بگيت او أنتظر جيتك

او للعاره تراني يالولي ردتك

(ذلت أحوالي يا بويه)

## نعي في اليوم السادس عن حال زينب ؑ

ربيتكم بدموع عيتي او لاوين رحتوا يا جنيني

واخلافكم من يسأليني

\* \* \*

أبجي ييمّه او دمعي هالي      او عدمن مسيتوا يا أطفالي  
واخلافكم مشدوه بالي

\* \* \*

يعرّاز گلبي وين رحتا      او شنهوا كليتا وأشربتوا  
خافن من الممشيه تعبتوا      او بالليل يمه وين نمتا  
اشلون أغغه او تنام الليل عيني      أو مستم اگبالي يا جنيني  
او للموت ما يبطل ونيني

\* \* \*

شسيان يمه واشملذهم      هاموا ولدري من لزمهم  
وامشوبحه عيني الدرهم      او خاف الأعادي تذبّهم  
عگب الربّه او سهر الليالي      ظليت حرمه ابغير والي  
او هاموا أولادي بالبراري

\* \* \*

أنخي بخوي او ما سمعني      او ما گام دورلي على ابني  
او خاف الأمل وانقطع ظني      او ظليت أنوح او زاد وتي  
ضاع الربّه او ليل السهرته      او طاهر عمت عيني فگدته  
او ما تنجبر گلبي كسرتّه

### هوسات في رثاء أولاد مسلم ﷺ

اشلون أصبر ييمّه او روحي تسلاكم      او مالومه بگيت او هدني فرگاكم  
سدري وين أدور وين الكاكم      (إتغربتوا مدري ابيا ديرّه)

\* \* \*

إتغربتوا ييمّه وين يحنّيني      او عكب او جودكم محدّ يسليّيني  
او مالومه بگيت او دمعتي ابعيني      (عميانه واعيونني اعليكم)

\* \* \*

عميت إمن البواحي يا طهر بيني      او سهريت الليلي او ما غمض جفني  
او فرگاکم يبعّد الروح تعبني      (نحلانه والروح اعليكم)

\* \* \*

يا هالناس منّي ضايعين إثنين      مدري وين راحوا يا كتر ناوين  
والخوّان نومه اعله الترد امطاعين      (ويّايه چا منهو ايدور)

### نعي في اليوم السابع عن حال زينب عليها السلام

عبّاس ياخوتك خوّد      أناديك ما تسمع النخود  
وين الشهامه والمرود

\* \* \*

وين الشهامه او لزمتم ايدك      اكعد يخويه اليوم أريدك  
إترّد العده او توفي ابو عيدك

\* \* \*

كلها يخويه لا تعتبن      عتبج على الراس او على العين  
وامكطّعه او صالي تشوفين

\* \* \*

عبّاس خويه وين خوتك      أناديك ما أسمع نخوتك  
تمنّيت موتي قبل موتك

\* \* \*

يومك يسردال الحريه جَدَّدَ عَلَيَّ خويه مُصيبه  
أو ظَلَّيت مِن بَعْدك غَرِيبه

\* \* \*

ظَلَّيت مِن بَعْدك يَعْباس حُرْمه أو غَرِيبه امدنْگه الراس  
أو تَتَفَرَّج اعلِيَه تَرَد النَّاس

\* \* \*

يا بوالفضل ما تدري بيَّ ظَلَّيت مِن عُنْكبك سِيبِيَه  
أو تَتَفَرَّج الوادم عَلَيَّه

\* \* \*

هيهات ترجعلي يوالي وَأَنسه الجِزَن والَّلي جِرا لي  
أو يومك يخويه شده بالي

لطميه عن حال زينب عليها السلام تعاتب قمر بني هاشم

نايم عالشريعه الحيد ما يدري إِبْغوالِيَه

\* \* \*

ما يدري البطل عَبَّاس تَتَفَرَّج علينه النَّاس  
أو بَعده هَبَطِينه الراس أو هَظْمونه بَنِي مَبيَّه

\* \* \*

كَلِبي ذاب وتلايم أو ما يدري كُمر هاشم  
ظَلَّ اعلَى النهر نايم يا وسقه أو كُطع بيَّه

\* \* \*

كَلِبي ذاب وتَفَطَّر أو ما يدري ابن حيدر

ظَلَّ اَعْلَى الثَّره امطَبَّرْ      او يَمَّه الجربه مَچْفِيَه

\* \* \*

نایم عالشریعه الحید      وابصَفَّه العلم والجود  
والنسوان والی اتريد      واگوالی مِیتَهیَه

\* \* \*

والوالی گطع بینه      او بس نسوان ظلینه  
أو چا یا هو الیحامینه      یا چَلثوم یا خیه

\* \* \*

وین انروح یا چَلثوم      لو هِجَمَت علیه الگوم  
والوالی حاله النوم      او ما یدری ابغوالیه

### نعي عن حال زينب عليها السلام تخاطب العباس عليه السلام

من گال أطل ما بین الأرجاس      وافگد أخوي البطل عباس  
او غصتی یشیعه اتشیب الراس

\* \* \*

غصتی یشیب الطفل مِنها      او یا وتتی مَحْد یونها  
او روحی المصابب دوهنتها

\* \* \*

سمعت الأخو للأخت خیمه      وانته نمت خویه ابهیمه  
واعداك هانونی هظیمه

\* \* \*

ذلّیت من عگبک یعباس      أو ظلّیت أنوحن والطم الراس  
والکلب یا خویه عَلى اخلاص

خويه النوايب دوهنّي او ظلّيت أون أو زاد وني  
او ما حسبت منك تذبّني

\* \* \*

ما حسبت خويه يعباس أذلن عكب عينك يحرناس  
وانته البطل راعي النوماس

### نعي في اليوم الثامن عن حال الأم الحزينه

جسام يمّه وين أنه الكاك او تدري صعب يوليدي فرگاك  
ياريت روعي راحت اويك

\* \* \*

ياريت روعي أويك راحت وامن القهر يبني استراحت  
او عگبك عليه الدنيه ضاگت

\* \* \*

تمنيت معرس وأنه ازقك واعجن يماي العين جنتك  
او تالي يوسفه الكبر طمك

\* \* \*

طمك يوسفه الكبر تالي او فرگاك سهّرنى ليالي  
او يومك ييمه شیده بالي

\* \* \*

إشلون أنظر السكته يجاسم تبجي اعليك ابدمع ساجم  
وانته على التربان نايم

\* \* \*

سكنه تَگَلِّي جابليني حَلِّي أون وانتي اسعديني

راح ابن عمِّي او ماي عيني

\* \* \*

راح ابن عمِّي يا زجِيَّه أو من طلعتَه ما رَدَّ عَلِيَّه

وانحرم مَرَّات الدنيه

\* \* \*

راح ابن عمِّي او خاب ظنِّي أو ظل البچه والنوح فَنِّي

أو عگبه المصابب دوهننِّي

### قصيد في اليوم الثامن للقاسم عليه السلام

أبكي على من قتلوه في يوم عرسه الأعداء  
ورموه بسهم مشوم فأصابه في لبّة حشاه  
فخرّ صريعاً للأرض ينادي أدركني يا عمّاه  
فراح إليه الحسين مُسرِعاً ينادي أيا ويلتاه  
فرفعه من على الأرض ودموعه سألت على خذاه  
وقال له لا تتركني غريباً يبن أخاه  
ففاضت روحه الزكيّة وأسبل يداه ورجلاه  
فجاء به قتيلاً إلى الخيام وتلقنه النساء  
فلما نظرت إليه أمّه وهو مُخضّب بدماه  
صاحت بصوتٍ حزين أي واولداه أي واقاسماه  
أياليتني كُنتُ قبل هذه اليوم عمياه  
ولا أراك قتيلاً ومُخضّب بالدماء

## نعي في اليوم الثامن عن حال رمله

يروح الروح يبني أو مهجت أمك      تمنيت مِعرس وأنه أزفك  
أو لا شوف جنتك فيض دمك

\* \* \*

يا شَمعت الشبَّان يبني      ما فَكَّرتُ بيّه او عفتني  
وابديرت الغربه اشمرتني

\* \* \*

أنه الوالده وارباي أريده      أو عَتَّبي على اوليدي أزيده  
لاكن رَحَل رحله بعيده

\* \* \*

للظيِّم والحسره جفاني      او لا كال والدتي او نساني  
او عگبه تره زادت أحزاني

\* \* \*

مَظنَّيت يبني هيچ أشوفك      مِتَخَضَّبه ابدمك اچفوفك  
واشلون يبني ابهيمه أعوفك

\* \* \*

سكنه بگت تبجي أو حَزينه      او كلنه البواچيها بچينه  
واتگول جاسم چاتلينه

\* \* \*

تمنيت يبني أفرح ابعرسك      او شوياش أطشك وأزفك  
واهدوم عرسك بيدي ألسك



## هوسات في اليوم الثامن عن حال الأم المنكسرة

يروح الروح يمدلّ يبعد اهلي  
وين ارباي يبني والتعب گلي  
ليش اتعوفني حرمه او تذب جملي  
(ياهو ايتجيله حمل أمك بعدك)

\* \* \*

تدري الوالده يا يمّه تتأمل  
تعرّس اوليدها وابعرسه اتهلهل  
وانته ابيوم عرسك تمت يمدلّ  
(أو ظلّيت ابفگدك مكسورده)

\* \* \*

ظني خاب شيعة أو بس أجر وئه  
اوليدي گلت يكبر وآنه أعرسنه  
تاليها يوسفه ابدمه اتحنه  
(بدمومه تاليها اتخضب)

\* \* \*

الله ايعين رمله أمن انظرت جاسم  
صاحت صوت يبني شخبر الوادم  
متخضب ابدمه أو عالترب نايم  
(لو جوني أو عنك سئلوني)

## لطمية في اليوم الثامن عن حال رمله عندما فقدت القاسم ﷺ

ابروحت ابني راح من عندي النظر  
او راح حيلي وانكسر منّي الظهر

\* \* \*

راح حيلي وانمرد منّي الجبد  
اشلون أسله اشلون أطلن بالبلد  
أو بعد ما عندي بعد غيره ولد  
او راح منّي اعزیز گلبي والنظر

\* \* \*

اعزیز گلبي راح وآنه اتمحنيت  
او من كثر مبيجي على اوليدي عميت  
او ما شفت راحه تراني أو شبييت  
او رده وكت الطيغ يبگالي نخر

إعلى الولد حگي إذا أبجي أنه  
او ما حسبت احساب تالي أدفنه  
راح من عندي أو بگيت امحنه  
او رده بيده ايشيل نعتي للگبر

\* \* \*

اعليك دلالي ييمه منخمش  
او ياللي عمرک ما کمل أربعطش  
او للگبر ردتک تشيل انتہ النعش  
اعليک حاتفني يوسفہ الدهر

\* \* \*

اعتبتک ليش ما تسمع عتب  
وين ذاک ارباي يبني والتعب  
ما تگول امي گلها منشعب  
او وين هر المهد گلي والسهر

\* \* \*

السهر وينه دگلي والوعد  
او تالي ما تالي عفتني يالولد  
گلت تبيگالي تچيه وانسعد  
او بعد شلي اخلاف عينک بالعمر

\* \* \*

ذخر ردتک يالولد تبيگه إلي  
أو حگي لو أنوحن وأهيمن بالخلي  
او بالغرب تالي عفتني يالولي  
حيث ما عندي بعد يمه صبئر

\* \* \*

صبئر ما تم لي ييمه يا شباب  
او من غيابک يا عزيزي الگلب ذاب  
إشلون أصير وانتہ نايم عالتراب  
او نوحی أيفشکل يجاسم للصحخر

\* \* \*

بالعمر شلي أنه بعده تره  
او لو هو حاضر ما مشيت اميسره  
او روحی نحلانه عليه وامكدره  
لاچن اعتابي يشيعه اعلى الدهر

\* \* \*

إشلون أنسه او راح من عندي الحبيب  
او بعد مثله اوليد گولوا امنين أجيب

او خَلَّه عَمَّه احسين مهموم او غريب      والدمع مِنْهُ عَلَي اُخْدودد انحدر

\* \* \*

نصر ما عنده يوسفه او ظل ووحيد      او راحوا اولاده يشيعه والعضيد  
او يدري زينب تمشي ميسوره اليزيد      او يدري عدوانه تَحَزُّ مِنْهُ النحر

لظميه في اليوم التاسع عن حال ليلي تخاطب علي الأكبر عليه السلام

اتوجهت ليله اتنادي الأكبر      گوم بيني گوم گوم يَمشكّر  
گوم ساعد والدك      تدري هوّه رايدك

بيني إلهاليوم گوم يمشكّر

\* \* \*

گوم بيني گوم گوم حامينه      او حارب اعدائه لا تصل لينه  
او تدري ابوك احسين بيك بس يفخر

\* \* \*

من سمع أمّه شد مُهرته او راح      او گصد للحومه شبه جدّه او صاح  
أنه ابن عقد الوله      او عمّي راعي المرجله  
او جدّي الكرّار ساقى الكوثر

\* \* \*

من شهر سيفه الكون شب نيران      او مثل جدّه الحيد جندل الفرسان  
كلها ظلّت طايحه      او صار عدهم نايحه  
او ما تدلّ لدروبها ظلّت العسكر

\* \* \*

ظهظب اعليهم نسل الميامين      او جندل الفرسان مثل ابوه احسين

او رجع يخبر والده العطش وايد<sup>(١)</sup> ضاهده  
او گلّه بويه احسين گلبي اتفطر

\* \* \*

من سمع ابنه گلّه يوليدي ماي ما يوجد بويه اشبيدي  
بويه كُضْ مٌصْ خاتمي حتّه يبني ترتوي  
او جدك الساقى يبني بالمحشر

\* \* \*

او گبل لا تبرز بويه لمك روح بلجي اتشوفك او ترد بيها الروح  
روح يبني يا بطل روح لمك بالعجل  
بعد ما عدها گلب يتصبر

\* \* \*

او كصد للخيمه من عمت عيني أو ناده يا يمّه گومي ودعيني  
يا بعد عين اليمين يمّه بطلي امن الونين  
ما يفيد النوح هذه المقدر

\* \* \*

او نادته يبني اشلون او دعنتك ما ترد خوفي او ما اشوفتك  
اشلون او دعك يا علي او يا هو يبره المحملي  
من عگب عينك يمّه يمشكر

\* \* \*

او رجع للحومه مغضب الأكبر او ظهظب اعليهم أو شررد العسكر

---

(١) وابد: واجد: كثير.

او گام یحصد بالعدده او کلها راحت شارده  
او لاجن اعلى الماي چبده اتفسر

### هوسات في اليوم التاسع

شوصفك يا علي الأكبر يوم احملت عالميدان  
شجاعة عمك العباس ذاك الحير العدوان  
او مثل جدك أبو الحملات حيدر داحي الببيان  
(مشهوده حملات الأكبر)

\* \* \*

ليله اتصيح يبني يا علي الأكبر  
او گلبى اعليك يبني ذاب وتفظر  
يمه ليش نايم بالشمس والحر  
(دلالي يوليدي اتصوب)

\* \* \*

يبني لون گبلک بالدمه اتخضيت  
حسبتك تدوم او تبني لمك بيت  
او ريت ايكون ما جبتك ولا لاليت  
(وظلل الأمك تچايه)

\* \* \*

يمدلل ينور العين ياغالي  
ما ظنيت تتركني بلا والي  
نسيت ارباي وسفه والتعب تالي  
(مو وكت النومه يمدلل)

### نعى في اليوم التاسع لعلي الأكبر عليه السلام عن حال أمته ليلي

ليلي بجت والدمع غدران  
يبني يا الأكبر يا غصن بان  
او نادت ييمه ابگلب لهفان  
چا ليش متوسد التربان

\* \* \*

مَظَنِّيت يَبْنِي هِيچ مَجْتُول تَتَسَايل ادمومك

تَمَنِّيت يَوْمِي كَبَل يَوْمِك

اگعد يبعء اَمَك يمدلول هزيتك او گتلك دَلَلُول

چاوين هزِي للمهد گول

\* \* \*

حَكِّي العتَب وَاَعَاتِبْكَ چَنَك نَسِيَت ارباي چَنَك

وَاتَعَذَّرْتَنِي اَوْ غَفَّتْ عَيْنِكَ

\* \* \*

اگعد وَاَرِيَد اِتْحَاسِب اويَاك چاوين تَعْبِي يَاوَلَد ذَاك

نَسِيَت الرَّبِّه اَوْ سَلَهَمْت عَيْنَاك

\* \* \*

تَعَب التَّعْبِيَتَه ضَاع مَنِّي اَوْ خَابَ الْاَمَلُ وَاَنْكَطَعَ ظَنِّي

اَوْ وِيَن الرَّبِّه يَاوَلَد يَبْنِي

\* \* \*

جَاب الْوَلَد طَلْعَاعِنَه رُوْحَه اَوْ مَا تَنْحَسِب وَيَلِي اَجْرُوْحَه

اَوْ نَادَه يَبْوِيَه اَوْ زَاد نُوْحَه

\* \* \*

نَادَه يَبْوِيَه يَا غَضَنْفَر يَوْمِك شَعْب كَلْبِي يَااَكْبَر

اَوْ مَا تَم صَبْر اللّٰه وَاَكْبَر

## لطميه في اليوم التاسع لعبدالله الرضيع عن حال الرباب

عبدالله ينور العين ياغالي أعاين للمهد يبني المهد خالي

\* \* \*

يبني المهد خالي او موحش امچانك ياوسفه متت محروم يبني گبل ميحانك  
ريت الموت شاني كان مو شانك او يبني ابروحتك شلبيت دلالي

\* \* \*

دلالي شعوبته او خبيبت ظني ما ظنيت لن شخصك يفارگني  
يبني يالمتت محروم آيبني او عمرک ما وصل سنتين ياغالي

\* \* \*

دلالي تصوب يا بعد عيناى او سهم الصوبك يبني نبت بحشاي  
او چتلوك العده او منطوك شربة ماي او ظل المهد عگبك موحش او خالي

\* \* \*

اشكبرك والعهه يبني غصب فطموك او شربة ماي گبل الذبح ما شربوك  
او صابوك ابسهم چتال ما رحموك او يبني اتموت ما چانت على بالي

\* \* \*

عمرک ما وصل سنتين يا عيني او عگبك يا ولد منهو يسليني  
وافراگك يبعد الروح يا ذيني او حسبتك تدوم او ذخر تبگالي

\* \* \*

يبن احسين يلي بيك الكفايه حسبتك تدوم او تظل وييايه  
او راسك سيك أشيلنه بالولايه او تاليها عفتني يالولد تالي

\* \* \*

يبني فيك فجعوني العده يبني  
وافراكك يضيّ العين عدّبي  
او مالومه بگيت او ما بطل وتّي  
او نحلانه بگيت او ساهره الليالي

\* \* \*

سهرانه بگيت او دمعتي ابخدي  
بس إنته او رحت يوليدي من ايدي  
او غيرك يا عزيزي ولد ما عندي  
او ما بيه على فرگاك يالغالي  
او عيني اعليك يبني دوم بس تهمل  
او ما بيّه أصدّن للمهد خالي  
اشلون أنساک گلي اشلون يمدلّل

\* \* \*

خالي المهد يبني اشلون أصدلّه  
او ليش اتعوفني يمّه يعبدالله  
او گلي اشلون عگبک يالولد أسله  
او ضاع ارباي وسفه والتعب تالي

### نعي في ليلة الوداع عن حال زينب عليها السلام تخاطب إخوتها

لصبح هالليلة أرد أحيين واگعد اوياکم ما أنامن  
ترحون من عندي أخافن

\* \* \*

أخاف من عندي تروحون وابگه ذليله او گلي محزون  
خويه بختکم لا تگطعون

\* \* \*

خطار عندي الليله لخوان او باچر يچتلوهم العدوان  
وابگه ذليله او گلي حيران

\* \* \*

ياليلة العاشر عظيمه بيها الولي ايوصي ابهريمه  
يدري يظل نايم ابهيمه او يدري تظل سكنه يتيمه



هالليله شيغمض اعيوني واشوفن اخوتي ايودعوتي  
خافن ييمه ايسيّبوني

\* \* \*

ودعت اخوتي ابكلب محزون او گاموايودعوني او ينجبون  
يدرون يمه ما يسلمون

\* \* \*

كلکم تريدوا اتفارگوني او ترحون عني او تخلوني  
او بعياالکم لا تمحنوني

\* \* \*

ظلّ السبب يوصي العقيله والروح من عنده نحيله  
او گلها يخويه اتتي الكفيله

### هوسات في الليلة العاشرة عن حال زينب عليها السلام تخاطب الحسين عليه السلام

ليلة عاشره ابعاشور صعبه او تمرد الدلال  
بيها احسين گام ايودع النسوان والأطفال  
او ظل يبجي عمت عيني او عالخدّين دمعه سال  
(ايودعونه واعياله ابلوعه)

\* \* \*

هالليله الوداع اشلون آه آشلون من ليله  
بيها اتكدّرت لطفال والمدمع دمه اتسيله  
او لن زينب تنادي احسين باصرني على العيله  
(هد حيلي يحسين اوداعك)

\* \* \*

حاجه اخته الغريب احسين شيعه او دمعت عينه  
لا تبجين يم طاهر تره گلي تگطعينه  
ما بيّه أصلج يبت حيدر تره احزينه  
(حزانانه ما بيّه انظرلج)

\* \* \*

يخويه اوصيچ باري الحرم والرضعان  
اولو هجمت عليچ الكوم خويه جمعي النسوان  
من الله أمر مكتوب أنه انذبح عطشان  
(ايذبحوني مكتوب اعداي)

\* \* \*

يختي هالأمر مكتوب من ربّنه  
واخيول العده جسمي يرضنّه  
ايذبحوني العده او تتحرّك اخيمنه  
(ايرضّوها بالخيل اطلوعي)

\* \* \*

لتكلي يخويه امن البچه هيدي  
ما بيّه على فرگاك يعضيدي  
شيردك بعد لو رحت من ايدي  
(ياذيبي يا خويه افراگك)

### لظميه في ليلة الوداع

خويه اويك هالليله  
يبن امّي الوداعيّه

\* \* \*

خويه احسين الله اويك  
صعبه عيشتي ابلّيّك  
ما أگدر على فرگاك  
او عالشوغات ما بيّه

\* \* \*

نادت زينب الوالي خويه احسين ياغالي  
عكبك يا هو يسبراني او منهو يلتزم بيّه  
ناداها ابكلب مجروح او من عنده الدمع مسفوح  
خويه بسّج امن النوح يم طاهر يحوريّه

\* \* \*

زينب نادت النسوان يا شيعه ابكلب لهفان  
گومن ودعن الوليان هالليله الوداعيّه

\* \* \*

گومن خالئودعهم او نشبع شوف من عدهم  
باچر خاف نفگدهم او يسبوننه بني مَيّه

\* \* \*

بس هالليله ويّانه او باچر تذبحه اعدانه  
او كلّفني ابرضعانه او محنّي ابغواليّه

\* \* \*

التمن عالولي كلهن ايودعنه او يودّعهن  
والدمعات يسجبنه ويصير غواليّه

\* \* \*

يدري تنسبي النسوان او بعده نرفج العدوان  
او راسه يرفع عاللسنان او جثته تظل مرميه

\* \* \*

أرثي او روجي مسحونه او لهل البيت ممنونه  
أريدن موتي ايحضرونه ابجاه البگت مسبيّه

\* \* \*

## نعي في الليلة العاشرة للوداع

يا صبح لا تطلع عليّ      خاف اخوتي ايكطعون بيّ  
وابگه غريبه واجنيّه

\* \* \*

يا صبح لا تطلع ولنظر      خاف ابصباحك همّي اكثر  
واجسام اخوتي تترس البر

\* \* \*

ودّعت اخوتي او ودّعوني      او يمه أبزهم كلّفوني  
يدرون يقّمه ما يجوني

\* \* \*

يا ليلة الكشره عليه      خطّار هالليله أهالينه  
او باجر يروحون امن اديته

\* \* \*

هالليله من دون الليلي      صعّبه عليّ يبن الموالي  
او خافن تسيبني يوالي

\* \* \*

لو طاح حملي من يشينه      او منتهو اليردعني العيله  
او خطّار بس انتم الليله

\* \* \*

يحسين يا روح الزجيه      اشمحلات كعدنته سويه  
او خافن تفاركنه المنيه

خاف المنيّة تفارگنه او نيگه عگب عينك ايمحنه  
يحنين خويه او ريحت آمنه

### قصيد في اليوم التاسع

أبكي على من ذبح الرضيع بين يديه  
واظل يرافس كالطير بيديه ورجليه  
فردّ به حزيناً إلى الخيام أبيه  
فصاح يا زينب هلُمّي للطفل وخذيه  
فأخذته وجعلت تنظر إليه وتبكيه  
فبقى الحسين وحيداً فريداً ليس من يحاميه  
فجلس حزيناً يبكي على غربة وأولاده وأخيه  
فقال لأخته يا زينب لا تحرقى قلبي ولا تجرحيه  
فإذا أنا قتلت لا تجزعي وثوبك لا تُشقيّيه

### نعي للحسين عليه السلام

علّوا البواحي او زيدوا الونين او ذكروا يشيعه غصّة الحسين  
ظل بالمعاره ابغير تجفين او راسه خذوه وياه الملاعين  
او زينب أسيره او تسجب العين او تتلاعه ويّاها النساءوين

\* \* \*

واجب يشيعه نجبي واننوح او تذكر مُصاب المات مذبوح  
جسمه بگه بالكون مطروح او زينب أسيره او تشعب الروح

## قصيد للحسين عليه السلام في سائر الأيام

شيعاء إن شربتم عذب ماء فاذكروني  
قتلتُ ظُلماً وحتّه الثياب سلبوني  
فطلبتُ شربةً من الماء قبل الموت وما سقوني  
وحزوا وريدي ومن الققاء غصباً قد ذبحوني  
وبقيتُ على الرمضاء طريحاً وما دفنوني  
ولا لفوا عليّه كفنٍ ولا غسّلوني  
وداست خيول العدا جسمي ورضرضوني  
وما خافوا من الله أبداً ولا رحموني  
وساروا بعيالي مُقيّدين وما ودّعوني  
فليت جدّي وأبي وأمّي ينظروني  
ألا لعن الله قوم قد ظلموني

## نعي بعد الحديث

من القفاء شيعه اذبحوني      او نكطة امّيه ما نطوني  
او حزوا وريدي او مرحموني

\* \* \*

يوم النذل شيعه ذبحني      ما خاف ربّه ولا رحمني  
او سلّمت أمري للخلقني

\* \* \*

يا شيعتي ذكروا مُصابي      راحوا جتّل كلهم أحبابي  
او حز رگبتي ابن الطبابي

## نعي في رثاء الحسين عليه السلام عن حال زينب

أبكي على من بقى وحيداً فريد      وذبحوه العدا من الوريد إلى الوريد

\* \* \*

أبجي على المذبوح يا ناس      غصته يشيعه اتشيب الراس

او لعبت عليه الخيل مرداس

\* \* \*

لگعد على گبرک وانوح      واشفي دليلى او كل الجروح

يحسين يبن امي يمدبوح

\* \* \*

يحسين يبن امي او حياتك      ذلن عگب عينك خواتك

او لظيچ هته رايداتك

\* \* \*

لظيچ يبن امي ذخرنك      تشيل الحمل واتزامط اعداك

خاب الرجه تالي او فگدناك

\* \* \*

خذوني أسيره يا شفیه      او يضرّبوني واشگف بديه

او يحسين لا تعتب عليه

\* \* \*

لدگول يبن امي ارحليتي      والجتتي ما غسليتي

عصبن علي صارت مشيتي

\* \* \*

لو يصح بيدي ابگيت يمّك      وابماي عيني اغسلت دمّك  
او يصعب عَلَيّ بالشمس جسمك

\* \* \*

فرگاک يا خويه دمانی      والظيم من عگبک علانی  
او يومك يیوالشيمه عمانی

### نعي في الليلة الحادي عشر

الليل إجانى وأنه وحدي      او بس دمعتي تجري اعله خدّي  
او لحد من الخوان عندي

\* \* \*

ظليّنه بس نسوان وايتام      واهل الشيم بالحومه نيّام  
او من يحرس الخيمه يضرغام

\* \* \*

عيني تنام اشلون يهلي      وأنه غريبه او مال جملي  
واهل الشيم نومه بالخلي

\* \* \*

وتيت وّنه اتدوب الصخور      او روحى حزينه او گلبي مكسور  
واعتب عَلَيّ الناموا بالكبور

\* \* \*

اعتب عَلَيّ الناموا بالكوان      أو خَلّوا حرمهم بين عدوان  
او سكنوا يوسفه تحت تربان

\* \* \*



سكنوا يوسفه حدر التراب او عافونه ابديرت الأجناد  
والماعدها والي بيش تنهاب

\* \* \*

اعليمن شمرتوا الحمل يهلي او بگينه حريم او مألنه أولي  
واتم هويتوا نوم الخلي

\* \* \*

سبوننه العده يهلي سبوننه او بالسوط كل احنه ولونه  
او ذاب الغلب يمته تجونه

### هوسات عن حال زينب عليها السلام تخاطب اخوتها

أَعْتَبْتُكَ يَخْوِيهِ بَيْنَ دَاحِيِ الْبَابِ لَيْشَ اتَعَوَفَنِي حَرَمَهُ اِبِلَادِ اجْنَابِ  
وَالْحَرَمَهُ بِلَا وِلْيَانِ مَا تَنْهَابِ (مَا تَسُوهُ الْحَرَمَهُ اِبِلَا وَالْيِ)

\* \* \*

أَعْتَبْتُكَ يَرُوحُ الرُّوحِ يَبْنِ امِّي چَالِيشَ اُتْرَكْتَنِي اَوْ زَوَّدَتْ هَمِّي  
اَوْ ظَلَّيْتُ اِبْمَنَاحِهِ وَالبِجِي سَهْمِي (مَالُومَهُ وَالرُّوحِ اِخْلَافِكِ)

\* \* \*

يَبُو السَّجَادِ خَوِيهِ الْخَيْمِ حَرِگُوهَا اَوْ مِنْ عَگْبِكِ يَخْوِيهِ الْحَرَمِ هَانُوهَا  
اَوْ لُو وَحَدَّ حِجَّتْ بِالصَّوْتِ ضَرْبُوهَا (هَانُونَهُ يَبْنِ امِّي اَعْدَاكُمِ)

\* \* \*

مِنْ عَگْبِ الْمَعْرَهِ اَوْ ذِيچِي الْخَوَانِ ظَلَّتْ حَايِرَهُ بَتْ دَاحِيِ الْبَيْبَانِ  
نُوبَهُ تَگْمَدِ الْحُومَهُ اَوْ نُوبَهُ تَحْرَسِ الصِّيَوَانِ (حَايِرَانَهُ ظَلَّتْ بَتْ حَايِدِرِ)

\* \* \*

اگعد يا بطل ياالشاعت اعلومه      ما بَسَّك بعد من هذي النومه  
اشلون اتنام واختك بگت مهظومه      (اگعد شوف اختك مهظومه)

\* \* \*

يخويه ليش بين امِّي اهظمتوني      او بديار الأجانب ليش عفتوني  
او لا گلتوا اختنه او لا ذكرتوني      (اتضيعوني ما چانت ظنتي)

### نعي في اليوم الحادي عشر والثاني عشر

حادي الظعن گوّض او أسره      او گامت ادموعي ادموم تجرّه  
او ظلّيت أجرحسره اعله حسره

\* \* \*

ردنه انتوادع ويّه لبطل      ما صح بدينه والظعن شال  
او يسّر مشينه ويّه لنذال

\* \* \*

يسّر مشينه ابغير خوآن      او بسّ العليل اويانه وجعان  
او عتبي على الناموا بالكوان

\* \* \*

بديار أجانب حيف سيّنه      واحنه ابعازتكم يهلنه  
او والله ابعيشتنه امتحنّه

\* \* \*

طوّلتوا نومتكم يوليان      او تدرّون بس رضع او نسوان  
واحنه ابعازتكم يالخوان

\* \* \*

أبجي على من ضيِّعوني      وابدِرت الغربه اشمروني  
يمته يَحْتُون أو يجوني

\* \* \*

زينب بگت تجذب الوئّه      وتگول ضيِّعونه أهله  
أو نعتب على البيهم مَحَنّه

\* \* \*

جار الزمان أو گطع نَسلي      أو ظلّيت مالومه على اهلي  
واخلافهم بالعمر شَلّي

### لظميه عن حال زينب عليها السلام بعد المعركة

أهلي من يَغسّلهم      ظلّوا عالترب نومه

\* \* \*

ظلّوا عالترب كلهم      أهلي من يَغسّلهم  
أو كلفوني ابجرايرهم      أو گلبي زادت اهمومه

\* \* \*

يهلي ليش عفتوني      حرمه أو مَحْنيتوني  
أو ما ظنّيت تنسوني      أو شو نمتوا قَرْدُ نومه

\* \* \*

نمتوا أو ضيِّعتونه      أو لبن ازيباد مَشّونه  
واليحجي يَضربونه      أو يَمنه الناس ملمومه

\* \* \*

ظلّوا عالترب أهلي      ما شافوا غَسَل ويلي

او شَلِّي بِالْعَمْر شَلِّي ريت ابگبر مطوممه

\* \* \*

ظَلُّوا نومه بالميدان لا شافوا غسل واجفان  
وسفه خلصوا الوليان وانه ابگيت مهظومه

\* \* \*

ظَلَّ احسين بالحومه عاري او تسفح ادمومه  
او سلبوا يرُعه واهدومه او روي اعليه مالومه

\* \* \*

ظَلَّ احسين بالميدان او يمّه امطرّحه الشبّان  
او يمنه امگيد الوجعان او تتسائل ترّد ادمومه

### نعي عن حال زينب عليها السلام في سائر الأيام

أبجي عله من ضيّعوني وابديرت الغربه اشمروني  
ظَلَّيت حرمه او محّونوني

\* \* \*

أبجي على الجانوا احذالي راحوا طبگ وانشده بالي  
واخلافهم ذلّن احوالي

\* \* \*

أبجي على اللّي ما شفقتهم او غصبن عليّه فارگتهم  
ظَلُّوا عرايه او مدفنتهم او خيل الأعادي رضرضتهم

\* \* \*

شَلِّي بِالْعَمْر شَلِّي من بعد ولدي او باجي اهلي  
او يا عين بالله ادموع هملي

راحوا أخوتي من أيديهِ      او ظلّيت أجر وئهِ خفيهِ  
واشمتت العدوان بيهِ

\* \* \*

من بعد اخوتي وين أروحن      او راسي بعد بيمن أشيلن  
ظلّيت حرمة او ريت أموتن

\* \* \*

غريبه بكيت او زاد وئتي      او ما نشدوا الوليان عئتي  
او والله المصابب دوهنتي

\* \* \*

حگي إذا أعتب يشجعان      عفتونه او نمتوا ابتربان  
او چاليش سيبتوا النسوان

### حديث للأربعين عن حال أم البنين عليها السلام

قال الراوي: لما قُتل الحسين وأهل بيته بقوا على الرمضاء من غير تكفين  
وتغسيل ولا دفن ودمهم الشريف سائل على وجه الأرض وأخذوا رأس الحسين عليه السلام  
هدية إلى ابن زياد لعنه الله وساروا بنوا أمية لعنهم الله بالسبايا من كربلا إلى  
الكوفة ومن الكوفة إلى الشام حتى أدخلوهم على يزيد بن معاوية لعنه الله، فلما  
نظر إليهم اللعين ضحك بوجههم وقال لهم: لقد بليت منكم ولقد أخذت بتأري فيها  
أنتم اليوم مأسورين مذلولين، فأمر غلمان لعنه الله أن يقعدوهم في دار خرابة،  
شيعه محيين ساعد الله قلب الحوراء زينب عليها السلام على هذه المصيبة العظمى  
والفاجعة الكبرى، فقد كانت بين إخوتها وعشيرتها مُعززة مُكرّمة واليوم قد  
أصبحت أسيرة ذليلة بين الأعداء ومتكفلة في جميع العائلة وما لها محامي ولا

كفيل سوى علي السجاد وهو عليل لا يقدر على النهوض.

فلما ان اليوم الثامن طلبوا الرحيل إلى المدينة، فأمر اللعين برجوعهم فبينما هم سائرين في الطريق إذ قالت زينب عليها السلام للحادي: بالله عليك أن تعرّج بنا إلى أرض كربلا لكي أزور إخوتي. فقال لها: حباً وكرامة لله ولك، فعرج بهم الحادي إلى أرض كربلا، فلما وصلوا ونظروا إلى القبور ألقوا بأنفسهم من على ظهور النياق فجعلوا يبكون جميعاً بكاءً شديداً. وأما زين العابدين عليه السلام قال: يا بشر رحم الله أباك قم وادخل المدينة وأنعي الحسين عليه السلام.

قال صاحب الحديث: فدخل المدينة وأنشأ يقول الأبيات، فبينما هو يقول الأبيات إذ جاءت إليه امرأةٌ نحيلة الجسم باكية العين وكانت تلك المرأة هي أمّ البنين، فقالت له: يا بشر! أخبرني عن الحسين عليه السلام وأهل بيته من بقى منهم ومن قُتل؟ فقال لها: يا أمة الله لقد قتلوا جميعهم وما بقى سوى العليل وهو مريضٌ تعبان. فقالت له: وأين زينب والحرم؟ فقال لها: خارج المدينة. فقامت مسرعه وهي تمشي وتعثر بأذيالها حتى وصلت إلى الخيمة وتلقّتها النساء بصراخٍ ونحيب. فلما دنت أمّ البنين من الحوراء زينب ضمّتها إلى صدرها وقالت لها: بُنيّة زينب قولي لي أين إخوتك وبنو هاشم أهل صحيح قد قتلوا جميعهم وما بقى سوى العليل؟ فقالت لها زينب - وقد حنّقتها العبرة - تسألين عن إخواني والعشيرة يا أمّ البنين؟ فقالت لها: نعم يا بُنيّة أخبريني ماذا حلّ بهم. فقالت لها زينب: ليتك تنظرين إليهم وهم جثث بلا روس ولقد داست خيول العدا أجسادهم، وليتك حاضرة حين حَزَّ الشمر رأس الحسين عليه السلام، وليتك تنظرين إلى ولدك العباس عندما ذهب للمشرعة ليملي القربة إلى الأطفال والنساء وقد أحاطوا به الأعداء من كلّ جانب ومكان وجعلوا يرشقونه بالنبال والسهام حتى قطعوا كفيّه وفضخوا هامته بعمودٍ من حديد، وليتك تنظرين إلى القاسم ابن

الحسن وحيد رمله عندما رأى الإنكسار في وجه عمّه الحسين عليه السلام بعد قتل عمّه العباس راح إلى القوم ليأخذ بثأر أبي الفضل فبينما هو يُقاتل إذ كَمَن له ملعون وضربه على أمّ رأسه فأرداه صريعاً إلى الأرض حتّى فاضت نفسه الزكيّة في يوم عرسه وصار خضابه من دمه وترك أمّه حزينه كئيبة، وترك سُكينة في يوم عرسها ذليلة منكسرة ودموعها على خديها، وليتك تنظرين إلى علي الأكبر وحيد ليلي عندما رأى وحدة أبيه الحسين وهو ينادي ألا من ناصر ينصرنا؟ ألا من مُعين يعيننا جاء إليه؟ وقال: لبيك لبيك يا أبي يا أبي عبدالله هل من رخصة لأمضي إلى هؤلاء القوم وأخذ بثأر عمّي وابن عمّي، فأجازته الحسين عليه السلام إلى البراز ولكنّ قلبه ذهب معه لأنّه آخر شخص بقى عنده من الأحبة، فبينما هو يقاتل إذ كَمَن له ملعون وضربه على أمّ رأسه ووقع إلى الأرض مُغمماً عليه.

شيعه محبّين، فلمّا سمعت أمّ البنين كلام العقيلة زينب وما جرى على إخوانها من الأعداء خنقتها العبرة ونادت برفيع صوتها: أي وامصيتاد! أي وافجيعتاد! أي واولداه! وحثّت التراب على رأسها ولطمت صدرها وجعلت تنادي من قلبٍ حزين وهي تقول: آه آه.

### نعي بعد الحديث

حگّي إذا دمعي أسيله      وابجي على احيود الجبيله  
راحوا او خلّوني ذليله

\* \* \*

لبجي على اولادي الاربعه      الماضاگوا امن الماي جرعه  
خلّوني طول العمر أّنعه      وأحر امن الجمر تنزل الدمعه

\* \* \*

زينب تره امردتي اچلايه  
او وين البطل صاحب الرايه  
چاوين أخوتچ والصبايه  
گالت على الغبره ضحايه

\* \* \*

وين إخوتچ يالهاشميّه  
او وين البطل وين الشفيّه  
او وين النشامه الضيغميّه  
گالت عله الغبره رميّه

\* \* \*

زينب يحزّه ليش تبجين  
گالت شخبرچ يمّ البنين  
وحدچ رجعتي والأهل وين  
كلهم عله الغبره مطاعين

\* \* \*

يمّ البنين شرد اسولف  
إخوتي ضحايه بگو بالطف  
إچبيره كسرتي او متسولف  
او للموت دمعاتي متنشف

\* \* \*

قصتي اچبيره يمّ البنين  
فگدت الأهل واحد او سبعين  
كسرتي الدهر والله كسرتين  
وافگدت ولدي او قرّت العين

### لطميه للفاطميات

مثل زينب او كلثوم او رقيّه  
ميسورات راحن ويه عليّه

\* \* \*

ميشن ويّه الغرب من غير والي  
او ضلّوا عالترّب أهل المعالي  
او حيدر ما حضر حامي الحميّه  
للكوفه مشن ويلي يساره  
واهل الزود نومه اعله الوطيّه  
او يتباچن عمت عيني او حياره

\* \* \*



گعدوهن یوسفه بالخرابه      وامگید علی او ترجف اعظامه  
او ظلّ احسین نایم عالترابه      او ما یدری ابسکینه وبرقیّه

\* \* \*

او زینب نادت ام کلثوم حیّه      یا هو الگال هیچ ایصیر بیّه  
او حاجتها عمت عینی رقیّه      امقدر هذا من ربّه البریه

\* \* \*

نمشی بالیسر غصبن علینه      او نگعد بالخرابه یا حزینه  
ریت امّی تجی هالساعه لینه      او نشارک سوه بالهم یخیه

\* \* \*

ریت امّی تجی او تنصب عزیه      او نبجی اعله الکضوا بالغازیه  
وتوسّدوا یوسفه عالوطیه      او خلّونه ایمناحه وبأذیه

### نعي للفاطمیات

چلثوم نادت یا رقیّه      نعتب علیمن ولج حیّه

کلهم أهلنه اعله الوطیه

\* \* \*

یساره بکینه او سییونه      او لعلیل کلساه یضربونه

وسفه أهلنه ضیّعونه

\* \* \*

یهلی المره من غیر خوآن      مثل الحمامه ابغیر جنحان

وانتم ترکتونه یولیان

لطميه في الليلة العشرون من شهر رمضان

زايد او نيينه الليله واليينه

او ما إله طِبّه او سلهمت عينه

\* \* \*

ابلية التاسع من شهر رمضان

صاب ابن ملجم داحي الببيان

او سالت ادمومه فارس الشجعان

او سالت ادموعه او غرگت اهدومه

او ريت ابن ملجم انشلت ايمينه

\* \* \*

انشلت ايمينه ريت ابن ملجم

صَوَّب الكَرَّار او صومه ما تَمَّ

أو ظل عمت عيني الموله يتألم

او زادت آلامه او غربت أيامه

او مدرچ اصوابه الليله واليينه

\* \* \*

مدرچ اصوابه الليله ابوالحسنين

او كلهم اصحابه منه امأيسين

والحسن مالوم او ينتحب لحسين

وانخطف لونه او غارن اعيونه

او حزنوا لمناير من عكب عينه

\* \* \*

سلهمت عينه وسفه وتراد  
او يا ألف وسفه اعلاج ما فاده  
او يا حسين خويه دير الوساد  
او ما إله طِبِّه وانتهه گلبه  
او ما يفیده اعلاج وسفه والينه

\* \* \*

الليله والدنه منخطف لونه  
او حاله مترادي او غارن اعيونه  
او كلهم أصحابه جو يودعونه  
او يمّه يتباچون والگلب محزون  
او حاله اخطيره او سلهمت عينه

\* \* \*

ما أظنّ ايطيب والدي يا ناس  
طبره امچيده او أثرت عالراس  
والحسن يبجي او ينحب العباس  
واگعدوا يمّه والدمع يهمه  
او گاموا ايلطمون واحنه صرخينه

\* \* \*

نعي عن حال زينب عليها السلام عندما فقدت والدتها ووالدها

هاي المصيبة امنين اجتته او كلنه يشيعه دولبنته  
أخذت أبونه او والدته

\* \* \*

أخذت أبونه أو تالي أمنه      أو كلته بغيته نجر ونه  
أو ماجور يالشارك ابهمته

\* \* \*

مصيوب أبونه ابشهر رمضان      أو ظل مسجده موحش أو خلوان  
واحنه بغيته ابلمط واحزان

\* \* \*

حيدر علي ضربوا عالهام      وامكدّره ظلت الإسلام  
والعيد إجانه واحنه أيتام

\* \* \*

محله الأبو بالعيد محلاه      ايجمّع اولاده أو تجلس احذاه  
واحنه يتامه اصبحنه ويلاه

\* \* \*

حرنه تره يا ناس حرنه      نبجي اعله ابونه لو على أمنه  
راحوا أو خلونه أبمحنه

\* \* \*

إشمصعب الليله عليه      بيها الولي زايد ونينه  
أو لعند المنيه دار عينه

\* \* \*

هالليله عليه اشلون محنه      ايلوج الولي او يجذب الوته  
وانخاف يطشّر شملنه

\* \* \*

يلوج الولي او عينه عليه      او ما تنظهر ونته خفيه  
راح الأبوا سوده عليه

## لطميه عن حال أولاد أمير المؤمنين عليه السلام بعد وفاته

كلها الناس يوم العيد فرحانه او بس احنه الأبو يا ناس بچانه

\* \* \*

بس احنه الأبو خلّانه محزونين او ظلّينه يشيعه بس نجرّ او نين  
الناس امعيّده واحنه تهلّ العين والوالد يوسفه ابظيم خلّانه

\* \* \*

خلّانه يتامه حيف والينه او يوم العيد محزونين ظلّينه  
او ميّاله الليالي او مالت اعليته او يا وسفه الدنيه هيچ خوّانه

\* \* \*

الناس امعيّده واحنه نجر وته او خلّانه يتامه او شال والدنه  
او يوم العيد يا هلناس كدرنه او بچانه الدهر يا حيف بچانه

\* \* \*

ما عدنه ونس يّمنه يواسينه أمنه فارگتنه او راح والينه  
او ظلّينه ننوح او حيل ما بينه او والدنه رحل يا حيف ما جانه

\* \* \*

يا ناس الأبو فرگاه ياذيني او ما تمّم اصيامه من عمت عيني  
او خلّاني يتيمه او زايد او نيني او روي اعليه ياهلناس نحلانه

\* \* \*

ابن ملجم يوسفه صاب والينه او ما تمّم اصيامه وابعد اعليته  
او ظلّينه يتامه من عكب عينه او يوم العيد محزونين خلّانه  
شيعوده الأبو يا ناس شيعوده او ما أگدر أصدّاً داره مسدوده  
او روي من بعد عيناه ممروده او عيني امن البواچي اعليه عميانه

## لطميه عن حال زينب تخاطب أمها فاطمة الزهراء عليها السلام

يا أعرّ النَّاسَ يَمَّهَ يا عيني خاف متعودين بالله تانيني

\* \* \*

بالله تانيني اويآچ اروح اويآچ حيل ما بيّه احمل الفرگاچ  
وين أروحن وين من عگب عيناچ او من يدللني بالله حاچيني

\* \* \*

من يدللني يا ضوده اعيني او لو شفت ولدچ ينخطف لوني  
او شنهو أجاو بهم لو ينشدوني أطل بس أبجي او يكثر اونيني

\* \* \*

أطل بس أبجي او تكثر الوتات او حيل ما بيّه أحمل الصدمات  
او ليش عفتيني بالكدر وآهات او من عگب عيناچ من يسليني

\* \* \*

يَمَّهَ يا يَمَّهَ ليش عفتينه او من عگب عيناچ من يبارينه  
نحمل الفرگاچ حيل ما بينه وانتي عفتينه يا بعد عيني

\* \* \*

ليش عفتينه يَمَّ الديانه والگلب لجلچ زادت احزانه  
او من عگب عيناچ يا هو يرعانه او غيبتهچ طالت او ما إجيتيني

\* \* \*

ما أجيتينه او غيبتهچ طالت او روعي الملكاچ يَمَّه اشتاگت  
او عيني سهرانه وابد ما نامت وأصيح يا يَمَّه او ما تسمعيني

\* \* \*

يم حسن يمّه يا بعد روعي      ما إجيتيني او زادت اجروعي  
او لحظه لا والله ما بطل نوعي      او بالكدر يمّه ليش عفتيني

### نعي حال زينب عليها السلام بعد وفاة أمّها

من عافت البيت الجليله      روعي عليها امست نحيله  
واذكر حجاياها الجميله

\* \* \*

يمّ الحسن يمّ الديانه      ويّاج أريد الموت أنه  
او يومچ يالحنينه عمانه

\* \* \*

عگيچ تره زادت أحزاني      او مگدر على افراگچ تراني  
او يومچ يالحنينه عماني      او ظلّيت مالومه وأعاني  
والظيم يا يمّه علاني      او ما بيّه حيل أنظر إخواني

\* \* \*

يمّه يزهره يا سلوتي      ما بيّه حيل أنظر لخوتي  
او تمنّيت گبلچ كون موتي

\* \* \*

ويّاج أريد الموت ويّاج      ما بيّه حيل أحمل الفرگاچ  
واشلون روعي من بالياچ      أو يمّي العزيزه وين أنه الكاچ

\* \* \*

## لطمیہ عن حال زینب ؑ تخاطب أمّھا

وحدی لیش عفتینی یمّہ یا بعد عینی

\* \* \*

یا ریع الگلب و اچلائی یمّہ یا بعد عینائی  
عگبچ مظلمہ دنیای و الله او زاید او نینی

\* \* \*

یمّہ طالت الغیبہ او گلبی زاد تعذیبہ  
وانتی ادواہ و اطیبیہ وانتی الی تشافینی

\* \* \*

إنتی الشافی لجروحی یمّہ یا بعد روحی  
عگبچ ما بطل نوحی او چا یا هو الیواسینی

\* \* \*

یمّہ الظیم ظایمنی او لا ساعه الفرّح مرنی  
او بعدچ ما ضحک سنّی او رحتی انتی او نسیتینی

\* \* \*

ییمّہ لیش تنسینی واییتیمہ تخلینی  
او عگبچ من یسلّینی یمّہ یا بعد عینی

\* \* \*

تسعر بالگلب نارچ او ما اگدر علی افراکچ  
او عگبچ مظلمہ دارچ یا یمّہ او تبجّینی

\* \* \*



## نعي عن حال زينب عليها السلام تخاطب أمها

يَمّ الديانه يَمّ الحسين      ما بيّه أسمعنج توئین  
خافن تترکينه او تروحین      ونظرل يتامه اندير بالعين

\* \* \*

بسّ الونين أرجوچ بسّچ      گلبي ایتجوّه من أسمعچ  
احبيبه ولا ينشبع متّچ

\* \* \*

يم ريحت الحلوه شجاچ      مالي گلب يحمل الفرگاچ  
إدخيلچ ييمّه اخذيني ويّاچ

\* \* \*

شنهو الذي يا يمه صاچ      أناديچ ما أسمع جوابچ  
ما بيّه حيل أحمل اغياچ

\* \* \*

تسبعدين عنّي ليش يمه      اودارچ بگت وحشه او مظلمه  
او وسفه سکتني ابگير ظلمه

\* \* \*

ليل او نهار العين تهمي      او عگبچ ييمّه زاد همّي  
او ضاگ الخاگ ياهو اليمّي

\* \* \*

## ونصل الآن إلى باب الفواتح والأحزان

إفراگ الأبویا ناس چتال یهدم الحیل او یشده البال  
او صوب المقابر یاأسف شال

\* \* \*

حگي إذا یکنر ونیني إخالاف الأبو محد یجینی  
واعلیه لودر مای عینی

\* \* \*

یصعب علی فرگت الوالی او ظلیت أون وانشده بالی  
او هبطت راسی الجان عالی

\* \* \*

عنت علی بویه گعدتک او هاجت احزانی من ذکرتک  
ریتک تجی واتشوف بتک

\* \* \*

ریتک تجی واتشوف حالی او حال الغریبه صبح حالی  
وانته ابگبر نایم یوالی

\* \* \*

خیمه چنت بویه علینه او چالیش هسه اگطعت بینه  
واخالاف عینک من یجینه یجینه

\* \* \*

یصعب علی یابویه فرگاگ او مارید روهی اخلاف عیناک  
او روهی تحن واترید ملگاگ

## لطفيه في رثاء الوالده عن حال البنت المنكسره

يبويه ليش ما تنشد عليّه من عگبك ذليله واجنبيه

\* \* \*

اوبنيه ما گلت عندي يوالي او بديار الغرب ذلن احوالي  
او ظل البيت عگبك وسفه خالي او والله فرگتک تصعب عليّه  
ما تنشد عليّه

\* \* \*

يبويه ليش تنساني دگلي او من عگبك يبويه مال حملي  
او شلي بالعمر يا ناس شلي يريت اليوم وافتني المنيه  
ما تنشد عليّه

\* \* \*

بيمه اشلون لوله العيد مرني او ما عندي ابو بالعيد يمي  
يتكاثر علي وايزيد همي او ما گال الولي عندي ابنيه  
ما تنشد عليّه

\* \* \*

خيمه امظلل اعليه ابو چان او چنت امدلله والگب فرحان  
او هسه امدوهنه والگب حيران او دمعاتي على اخدودي جريه  
ما تنشد عليّه

\* \* \*

دمعاتي على اخدودي سچيه او راح اعزیز گلي واشيجيبه  
او خلاني عگب عينه غريبه او ليل اجر ونه خفيه  
ما تنشد عليّه

يبويه الليل كلّه اعليك أبجي  
والغيرك دِگَلّي المن أحجي  
او عگبک ظيم گلبي المن أشجي  
او متلك ما يحن واحد عليّه  
ما تنشد عليّه

\* \* \*

ليش اكسرت گلبي او يتّمتني  
او من عگبک الدنيه دوهنتني  
او بتّي ما گلت بويه او عفتني  
وانته سافرت صوب الوطيّه  
ما تنشد عليّه

\* \* \*

يبويه بيك راسي چان عالي  
او هسه دمعتي ابعيني تلالي  
او بوجودك چنت ما هم يوالي  
او روجي اعليك نحلانه او شجيه  
ما تنشد عليّه

### نعي في رثاء الأحاب

يهل الحميه والدواوين لاوين رحتموا يا مسلمين  
او لفرانكم دم تهمل العين

\* \* \*

بعده ابدچركم ما نسينه  
واخلافكم يهلي انسينه  
او گعداتكم عنن عليه

\* \* \*

لاوين يحبابي نويتوا  
واكلوبنه اويكم خذيتوا  
عليمن تركتونه او جفيتوا  
والعيد هل او ما اجيتوا

\* \* \*

روحي عليك ما تهيد      او دومي حزينه او لايه الجيد  
واهدومي سود او مجبل العيد

\* \* \*

روحي حزينه او دمعي سجاب      وافرالكم طول يا الحباب  
اعليمن هويتوا نوم التراب

\* \* \*

گلبي عليك دوم محزون      واخلافكم عمياته لعيون  
ردوا عليه او لا تبطون

\* \* \*

يحاب گلبي مروا بينه      او شوفونه اشصاير عليه  
من القهر يهلي غضينه

### لطمته للأهل

ما أنسه الأهل مگدر يخيه      اشلون أنسه هلي البيهم حميه

\* \* \*

ما أنسه الأهل مگدر تراني      اشلون أنسه الأهل وك يا زماني  
او ما عادوا إلي والعيد اجاني      او ظلت دراهم ظلمه أو خليه

\* \* \*

بيهم چان راسي دوم عالي      او هسته البيت منهم صار خالي  
او بس ارسومهم ظلت اگبالي      اشلون اگدر اصداً لها يخيه

\* \* \*

اشلون أفرح أنه وانسه المسلمين      اشلون أنسه الأهل وانسه الداوين

أهل زود او كرم واسباع او نفلين      او هسه سافروا صوب الوطيّه

\* \* \*

هسه سافروا صوب المقابر      او كل يوم او گلت يلفون باچر  
او ظلت موحشه زيچ المنابر      او چانت عامره والله او زهيّه

\* \* \*

چانت عامره بيهم الديار      او چان امضيهم منوة الخطار  
او ميدوم الأحد هالوكت غدار      تدرون اشجره بالغازطيّه

\* \* \*

غدار الوكت يا ناس غدار      ظل احسين مرمي والظعن سار  
او ظلت سايبه زينب بالديار      اتنادي وين أهله اهل الحميه

\* \* \*

اتنادي وين أهلي ما يجوني      خلوني غريبه او محنوني  
او ليش ابهل يتامه كلفوني      او لا گالوا أختنه اجنبيّه

\* \* \*

شلي بالعمر شلي ابحياتي      يريت اليوم وافاني مماتي  
او لاشوف العده تضرب خواتي      او بينه مادره حامي الحميه

\* \* \*

بينه مادره حيدر الكرار      يوم الكوم شبوا بالخيم نار  
ظعنه بالبراري ازغار واكبار      والخوان نومه اعلى الوطيّه

\* \* \*

ارثي والگلب مالوم يا ناس      أريد احسين يشفعلي او عباس  
ابجاه اللي بگت ما بين الأرجاس      أو تحضرني أريدنها الزجيّه

## نعي في رثاء الأهل

يمته زماني يا هلي ايعود بهل الكرم والطيب والجود  
وافرح وأذب اهدومي السود

\* \* \*

هيهات غيَّابي يعودون طولوا الغيبه او ما يرجعون  
او شيعودهم يُمَّه اليموتون

\* \* \*

العيد إجاني واهلي ماهم او ما مَرَّوا اعليّه شجاهم  
او روجي غضت وأنه وراهم

\* \* \*

لعيون عميانه تراهي على أهل الحميه والكهوي  
او ديوانهم أظلم او فاهي

\* \* \*

يحباب گلبي أيسينه وافراگم طَوَّلَ عليه  
او بگينه حَرَمٌ واتمحينه

\* \* \*

أهل الحميه سيَّونه وابديرت الغربه اشمرونه  
بگينه حريم او محنونه

\* \* \*

طگني الدهر واعمه اعیوني ومنّ الأهل خابن اظنوني  
ظلّيت حرمه او محنوني

## نعي في رثاء الحبايب

ظَلَّيْتُ أُونِ وَنَهْ أَعْلَهُ وَنَهْ عَالِحْمَلْنِ وَابْعَدْنِ عَنَّهُ

يَمْتَهُ يَجْنِ وَيَرِيحْنَهُ

\* \* \*

أَحْبَبِيَّاتْنَهُ عَنَّنْ عَلَيْهِ أَوْ شَيْعُودْ كَعَدْتْنَهُ سَوِيَّهْ

أَوْ شَالْنِ أَوْ غَيْبِيَّتْهُنْ بَطِيَّهْ

\* \* \*

وَسَفْهُ الْحَبَايِبِ ضَيَّعْنَهُ أَوْ بِالظَلِيمِ وَالْحَسْرَهُ جِفْنَهُ

أَوْ شَالْنِ ابْغْفَلَهُ أَوْ مَاخَذْنَهُ

\* \* \*

شَالْنِ ابْغْفَلَهُ أَوْ مَا دَرِيْنَهُ أَوْ مَا ظَنَّ يَمْرُنْ بَعْدَ بَيْنِهِ

أَوْ جَارِ الزَّمَانِ أَوْ خَانَ بَيْنِهِ

\* \* \*

عَالِحْمَلْنِ رُوحِي نَحِيلَهُ أَوْ شَالْنِ أَوْ غَيْبِيَّتْهُنْ طَوِيلَهُ

أَوْ لَا شَفْتَ رَاحَهُ أَوْ نَمْتِ لَيْلَهُ

\* \* \*

أَشْمَحَلَاتْ كَعَدَاتِ الْحَبَايِبِ يَزِيلُ الْقَهْرَ وَأَنْسَهُ الْمَصَايِبِ

شَفَجَاتْ مَا بِيْهِنْ غَرَايِبِ

\* \* \*

أَشْمَحَلَاتْ لَوْ سَوَّدَ كَعَدْنَهُ كَلْنَهُ حَبَايِبِ وَأَنْجَمَعْنَهُ

وَسَفْهُ الدَّهْرِ تَالِي بَعْدْنَهُ



گلبی خلص یا ناس صبرده      أو ظلّیت أجر حسرده اعله حسرده  
او یا فرگت الزینات مرده

### نعي في رثاء الحبيبة الذي ليس لها ولدًا ولا بنت

شالت الحبابه خطيه      أو لا ولد عدها او لا ابنيه  
او ظلّت منازلها خليه

\* \* \*

إلما خأفت ويلى عليها      او لو عالجت منهو اليجيها  
ما عدها والي اليباريها

\* \* \*

جينه بشفجه او مالکيناچ      والدار ظلمه اخلاف عيناچ  
او ما ينحمل يحيبيه فرگاچ      او غصبن عليه ابهيمه عفناچ

\* \* \*

ظلّيت أون وتّه خفيّه      والليل ما نامه يخيّه  
حسافه اعله طولج بالوطيه

\* \* \*

لحبيبه ماتت ما شفتها      او لا ودّعتني او ودّعتها  
او روعي العزيزه ذوّبتها      وابنار فرگاها چوتها

\* \* \*

چوتني ابنار فرگاها چوتني      او ماتت احديته واقهرتني  
او ما شوف بعيوني عمّتي

\* \* \*

ردناچ يـحبيبه تجينه او ما رـدنه أكثر يـالحنينه  
چاليش گولي اگطعتي بينه

### نعي في رثاء الوالده عن حال بناتها من بعد الوفاة

طوّل سفرها أمّي عليـنه او كلنه نجر حسره بگينه  
والفاجد أمّه الله يعينه

\* \* \*

من سافرت طوّل سفرها وانگطع يا وسفه خبرها  
أحو يغيبتها اشكبرها

\* \* \*

ما چتّي بتها او چنها أمّي او طوّلـت سفرها او زاد همّي  
أو ظلّ الألم والنّوح سهمي

\* \* \*

ما حنّـت اعليّه او لردّت او لاگالت ابـنيتي تأدّت  
يا حيف من عندي تعذرت

\* \* \*

الوالده لا وين شـالت او روجي عليها اليوم لاجت  
يا حيف زيچ الزينه ماتت

\* \* \*

شالت ابغفله او ما درينه او وسفه ارحت زيچ الحينه  
واغيابها طوّل عليـنه واخلافها منهو يجينه

\* \* \*

تعالی بیّمہ او شوفی حالی      بعدچ ذلیلہ او حیل مالی  
او فرگاچ سهرنی لیالی

### لطمیه فی رثاء الوالده عن حال البنت الذلیلة

أذکرت الوالده الجانت احذالی      اذکرت الوالده السهرت لیالی

\* \* \*

أذکرت الوالده الشفجه یخیه      اذکرت الوالده التعبت علیّه  
او تالی الموت ودرها امن ایديه      او خلّنتی حزینہ او دمعی هالی

\* \* \*

خَلّنتی حزینہ او دمعی سچّاب      خَلّنتی غریبه ابیدرت اجناب  
او سکنتیا حسافه حدر التراب      او ما تدری بعدها واشجرالی

\* \* \*

ما تدری الحنینہ حالی اشلون      مالومه علیها او کلبی محزون  
او ما نشفت دموعي اتهلّ لعیون      او بسّ ارسومها ظلّن اگبالی

\* \* \*

بسّ ارسومها یمّی تراهن      او من کثرالبواچی اعیونی راحن  
او ما ظلّن ترد لی بعد ما ظن      او خلّنتی ذلیلہ او حیل مالی

\* \* \*

بیّمہ وین رحتی یالحنینہ      او من عکبج یشفجه اتلوّ عینه  
او شخصچ غاب یا وسفه علینه      او ظلّ البیت عکبج وسفه خالی

\* \* \*

إذکرت آیّامنه الحلوه الزهیّه      إذکرت اشلون من نکعد سویّه

او هسته عمت عيني بالوطيه او ما تدري بعدها واشجرالي

\* \* \*

ما تدري بعدها اشمر عليّه او راحو كلّ اخوتي من ايديه  
خلّتني غريبه واجنيّه او لا واحد رجع منهم واجالي

\* \* \*

او من عكب الجلاله او ذيج ولياي تاليني أسيره ابولية اعداي  
او مالومه بگيت او ذايب اچلاي واتذکر أخوتي او دمعي هالي

\* \* \*

أتذکر أخوتي احسين او عباس چنت ابجاهم مرفوعة الراس  
او تاليها اتركوني بين الأرجاس او لا گالوا أختنه ابغير والي

\* \* \*

أرثي للبگوا صرعه ابتربان وارثي للذي صابوده ابرمضان  
وارثي للبگت مابين عدوان أريدنهم يحضروني الموالي

### نعي في رثاء الأم العزيزة والبنت اليتيمه

يمضحجت الحلود او حچي الزين يُمّمه ردت بيّه تَمَرّين  
او نگعد سوده يم گلب الحنين او ما حَسَّبت عني تروحين  
او تضوي المنازل من ترجعين او شيفارجچ يا قُرّة العين

\* \* \*

يالوالده امّي أرد أنشدچ ابهاذه السفر شنهو مگصدچ

او ضاگت عليه الدنيه بعدچ

\* \* \*

يا ربيعِ گلبي يالحنينه غصبنِ علينه اتفارگينه  
او بالگبرِ نمتي مو بدينه او يا وکت يحنينه تجينه

\* \* \*

إمنِ الظيمِ يا يمّه گظّيتِ وامنِ البواچيِ عگّچِ اعميتِ  
واخلافِ عينچِ مُظلمِ البيتِ

\* \* \*

وَزَّتّه مرتّه او هَدُّ عليه او ما چتّيِ أخته ولجِ خيّه  
واخلافِ أمّي اشبعتِ اذّيّه

\* \* \*

حبايبِ للمغسلِ أخذنيِ أريدنِ اويهِ أمّي اتغسلنيِ  
واريدِ ابچفنها تلفنيِ

### لطميه في رثاء الوالده الحنونه عن حال البنت المنكسره

يُمّه مُرّي بيّه يُمّه مُرّي بيّه أو شوفي اشلونِ حاليِ يُمّه مُرّي بيّه

\* \* \*

يُمّه مُرّي بيّه او شوفي اشلونِ حاليِ ما بيّه اعله فرگاچِ يا يمّه تعاليِ  
او ما أگدرِ أعاينِ لرسومچِ اگباليِ واترجّاجِ يُمّه لتقطعينِ بيّه

\* \* \*

أترجّاجِ يُمّه بيّه لا تگقطعينِ ما بيّه اعله فرگاچِ وانتي زينِ تدرينِ  
او ما چانتِ غله البالِ يا يمّه تموتينِ وابگه اخلافِ عينچِ بالهمِ والأذّيّه

\* \* \*

يُمّه اشلونِ أنسه ايامِ المضيّنه أتسنينيِ هموميِ لو سوده اگعدينه

او هسه اگطعتي بيه يمّه يالحنينه او عفتيني او مشيتي او لاگلي خطيه

\* \* \*

ماگلي خطيه ابنيتي وارحليتي او روجي اويچ راحت يوم اللي مشيتي والنوم المقابر يا وسفه هويتي واسکتني ابهيمه من سووده عليه

\* \* \*

يامه اهنا گعدنه يامه اتسامرينه او تالي فرد لحظه وسفه اتفارگينه اشلون انساج گولي يمّه يالحنينه او ما انساج صدگي يمّه للمنيه

\* \* \*

اشلون انساج يمّه وانتي الروح والعين او ما چانت عله البال يا يمّه تموتين او حتّه ابحلم تالي بيه ما تمرين او طالت سفرتچ حيف يا شفجه عليه

### نعي إلى كل أم حنونة

ما حسبت يا ليله تغيبين والغيبه طويله

وابگه عگب عيتچ ذليله

\* \* \*

أعتب بعد يمّه عليمن او لوضاگ خلگي وين أروحن

واشکيلمن ظيمي واگلمن

\* \* \*

تچتل تره يمّه الفرگه وانتي ترکتي ابگلي جرگه

أو مثلچ بعد ما ظنتي أگه

\* \* \*

أگه بعد مثلچ بعد وين يممکله يم گلب الحنين

ردّي عليه او لا تبعدين

شخصِجِ بَعْدَ سَوْدِهِ عَلَيْهِ      أَوْ ظَلَّيْتُ أَوْنَ صَبِيحٍ أَوْ مَسِيَّةٍ  
أَرْجُوهُ يَمَّهَ رَدِّي لِيَّهَ

\* \* \*

ظَلَّيْتُ بَسْ أَمْشِي سَمَامَاتٍ      وَأَعْيُونِي دَوْمِ دَامَعَاتٍ  
أَوْ مَا ظَنَّنْتِي أَتَرَدِّينَ هِيَهَاتِ

\* \* \*

صَحِيحِ الْوَالِدِ مَامِشُ مِثْلَهَا      أَوْ لَوْ رَاحَتْ تَظَلُّ فِيهِ ابْنِزَلَهَا  
أَوْ چَذْبِ مَنْ كَالِ يَحْصَلْشِي بَدَلَهَا

\* \* \*

يَا مَنْ كَضِيَّتِ الْعَمْرُ وَيَا چَ      يَصْعَبُ عَلَيَّ يَبْنِيَّتِي فِرْكَاچَ  
وَاشْلُونِ رُوحِي مِنْ بَالِيَاچَ

\* \* \*

يَا لِمَا تَهْنَيْتِي أَبْعَمْرِچَ      عَالَمُوتِ مَسْتَعْجَلِهِ أَشْكَبْرِچَ  
أَوْ مَالِي كَلْبِ أَنْظِرِ الْبَتَّچَ

\* \* \*

مَا كَلَّتِي أُمِّي أَتَعَبْتِ بِيَّهَ      وَتَحَمَّلْتِ لِحَلِي الْأَذْيَهَ  
أَوْ عَكْبِچَ عَلَيَّ ضَاكَّتِ الدُّنْيَهَ

\* \* \*

يَا لِمَا تَهْنَيْتِي أَبْشَابِچَ      رَحْمَتِي أَوْ يَتَّمَّتِي جِهَالِچَ  
وَالْمُوتِ يَمَّهَ أَمْنِينَ إِجَالِچَ

\* \* \*

يَمْهَذَّبُهَ مَوْ وَكْتِ مَوْتِچَ      أَوْ عَكْبِچَ بَكْتِ بَالِهِمْ أَخَوْتِچَ  
يَارِيَّتِ صَرَّتِ أَنَّهُ فِدَوْتِچَ

أبجي عليچ الليل كلّه      يَلّي تركتي ابگلي عِلّه  
او فرگاچ يمّه ما أحمله

\* \* \*

إشلون لو رحنه البیتچ      واشلون أصد گولي البتچ  
تبجي عليچ او رايدتچ

### لطميه في رثاء الحديثه عن حال الأم الحزينه

رحتي وين گولي يالبنّيّه      او ظلّت حجرتچ ظلمه او خليّه

\* \* \*

ظلّت حجرتچ ظلمه او حزينه      او رحتي وين گولي يالحنينه  
او تصعب فرگتچ يمّه عليه      او يا وسفه سكتتي بالوطيّه

\* \* \*

إسكتتي بالوطيّه حيف يمّه      او طولچ يا حسافه الكبر طمّه  
او من عگبچ إگليبي زاد هظمه      او صارت شوفتچ حسره عليّه

\* \* \*

صارت شوفتچ حسره يوسفه      او تصعب غيبتچ يحديثه كلفه  
او ما ظنّن دليلي بعد يشفه      او ليل أجروّنّه خفيّه

\* \* \*

دمعي اعليچ يمّه دوم يهمي      او ما مرني الفرح وازداد همّي  
او ما گلتي تذللّ اخلافي أمّي      او گولي ليش يمّه اگطعتي بيّه

\* \* \*

بيّه ليش يا يمّه گطعتي      او جاني العيد وانتي ما رجعتي



او صعبه غيبتهچ وايديتي او ما بيّه على افرانچ اشويّه

\* \* \*

تصعب غيبتهچ يحديته وايد وافرانچ الكلبي والله مارِد

او دفنونه يريت ابگبر واحد او لا اظل عكب عينچ بالاذيته

\* \* \*

ريت ابغد گبر دفنوني ويّاچ شنهو حيلتي يمه بلاياچ

او ما بيّه فرد ساعه بلاياچ او ريت اويانچ وافنتي المنيه

### نعي في رثاء الحديثه تخاطب أمها

اوئن يشفجه او تهمل العين واصيحن بيّمه او ما تسمعين

او وكت المنيه ردتچ اتجين روحي اطلعت وانتي متدرين

\* \* \*

وكت المنيه محضريتي او ردتچ تحين او ما اجيتي

واصيحن بيّمه او مسمعيتي جيتي ييمه واشلحكتي

### جواب الأم الحزينة لبتها

إنتي العزيزه او رحتي منّي أو ظل البچه والنوح فني

او فرگانچ يا يمه تعبني والشافني ونّ اعله ونّي

\* \* \*

إتوئين يمه اشبيدي اعليچ دكتور ما صحّ اليشافنيچ

او ريت المرض بيّه ولا بيچ او لو بالفده بالروح لفديچ

\* \* \*

إنتي الحنينه او ضيّعتج او غصبن عليّه فارگيتج  
او ساعت منيتج محضريتج

\* \* \*

بعديچ ييمّه زاد ونّي او ظلّ البجي والنّوح فنّي  
او فرگاچ يحنينه نحلي

### نعي في رثاء الأخ والأخت الحزينه

تعنيت لبين امّي ابهمّه او گصدي أشوفنّه واكلمه  
واگلّه اوليدك لا تيمته

\* \* \*

راح الأخو من بين ايديّه أو بيمن أزامط بعد حّيّه  
او عگبه ترده عالوا عليّه

\* \* \*

عالوا عليّه او گمت أبجي او بيمن أزامط بعد واحجي  
ظليت حرمه او وين أچي

\* \* \*

عالوا عليّ يا خال بزري وانته ابگبر نايم متدري  
او عگبك أنه شلي ابعمري

\* \* \*

عگب الأخو نلت أحوالي أو هبّطت راسي الجان عالي  
وامنين أجيبن عين والي

\* \* \*

راح الأخو او نعتب عليمن او لا عالوا اعلينه نِگلمنُ  
واعله الأخو يعيونني دِبِچنُ

\* \* \*

نشكيلمن لو بينه عالوا وانته عليك اتراب هالوا  
او تمنيت نعشي اويك شالوا

### لطميه في رثاء الأخ والأخت المنكسرة

أيها القارىء الكريم! رثيت هذه اللطمية بمناسبة وفاة جارنا المرحوم  
عبدالله، وكان شجاع وصاحب معرفة وأخلاق وكان وحيداً ليس له أخ وله سبعة  
أخوات وكان والده كبير السن وكانت أحد أخواته مُتعلّقة به كثيراً وكانت تحبّه  
حبّاً شديداً وكان لها بمثابة والد ووالده وأخ وفجأةً فارقتها فجلست تحنّ وتئنّ  
من قلبٍ حزين وكأَنَّها والده وفقدت ولدها ولا يدوم إلا وجه الله سبحانه وتعالى،  
فرثيت هذه اللطمية نيابةً عن مشاعرها. فأسأل الله العليّ القدير أن يُمّنّ عليها  
بالصبر والإيمان وإتّاناً لله وإتّاناً إليه راجعون، فهم السابقون ونحنُ اللاحقون.

الدنيه خوّانه الدنيه خوّانه ودرت ابن امي الجان ويّانه

\* \* \*

الدنيه خوّانه او مالت اعلينه او راح عبدالله او من يحامينه  
او من عكب عيناه والله ذلّينه او يا حسافه مات واحنه خلّانه

\* \* \*

بيته ظل خالي او مظلمه دارد أو والده شايب او تاهت أفكاره  
او بالله گلّولي شنهي إچاره راح عبدالله او منهو يحمانه

\* \* \*

راح أخونه الحيد الي يحمودنه  
او ريت بالتربان اوياه مدفونه  
چان ما يحجي الناس ايهابونه  
او روعي يا هالناس والله نحلانه

\* \* \*

لا تلوموني روعي ممروده  
چنت ما همّن چنت بوجوده  
راح أخوي الحيد بعد شيعوده  
لو هسه خلّاني ابظيمي حيرانه

\* \* \*

چنت أزامط بيه چنت يا شفجات  
او ما يهون اعليّ هسه أگولن مات  
چان أسد معروف چان بالكلفات  
أو هاي إله شهرين راح ما جانه

\* \* \*

من عگب عيناہ ما شفت راحه  
أوبخت ما عندي أنه چساحه  
او من کثر ظيمي صرّت نواحه  
إچسحت اخوي الحيد الچان يحمانه

\* \* \*

وابنه يا هالناس والله دوهنني  
او من عگب عيناہ منو ايدلّني  
ايگليّ يا عمّه أبوي يتّمني  
او بعد أگلّمن بويه عمّه أنه

### نعي في رثاء الأخ والأخت الغريبة

جيت أشتكي او عالچتف ولدي  
او دمعي يخويه جرح خدّي

چمدوب يبن امّي أعدّي

\* \* \*

عالوا عليّه أو ما أجيت  
چاليش من عندي تعذريت  
او عگبک بيو الغيره استدلّيت  
أظنّن ابحالي ما دريت

\* \* \*

إمّنين أجيب الجابته امّي أو يگلّي يخويه لا تهمني  
راح او بگيت النوح سهمي

\* \* \*

فارگت اخوي او فارگاني واسنين مرّت ما إجابني  
او ما جنّي عمت ابنه نساني

\* \* \*

بالظيم عُمرِي گزّريته أو بالنوح والوّنّه غضبيته  
واعزّيز گلبي فارگيته

\* \* \*

راح الأخو انعتب عليّه أو حرّ الكبر غيّر معانيه  
او يتّم اوليده او من يريّه

\* \* \*

بسّچ يخويه يكفي لعتاب تعبتين وأنه حدر التراب  
أدري بگيتي ابديرت اجناب

\* \* \*

عگبي بگيتي ادري ذليله أو ما عندچ أحد تشتكيه  
اتحملي أو عدّي العيله

### لطميه في رثاء الأخ والأخت الذليله

أبجي والدمع يا خويه هالي أو ظلّ البيت عگبك وسفه خالي

\* \* \*

يخويه الليل صدّگ ما أنامه تنام الناس وأنه بالمامه

او يخويه الدهر صوّبني اسهامه او كسرني بيك وسفه او شددبالي

\* \* \*

حسّبت النعش بيدك تشيله او مسدريتك تخلّيني ذليله  
او روحي اعليك بين امّي نحيله او راسي هبّطيته الجان عالي

\* \* \*

بعد بيمن ازامط يا حبايب او راح الحيد أبو حلو الشوارب  
او خلافه عكب عينه غرايب او ما عدنه بعد يا ناس والي

\* \* \*

هالواحد يوسفه او گطع بينه راح او ضاگت الدنياه عليه  
واينيته بگت تبجي او حزينه اتنادي راح ابوي او ما اجاني

\* \* \*

هالواحد تراهوا او گطع بيّه او ما عدنه بعد غيره يخيه  
راح او يّتم اطفاله خطيه او ما يرجع بعد وسفه الغالي

\* \* \*

مالومچ يخيته لو بچيتي او حجّج لو حزننتي والطميتي  
ما عندج ولي وسفه بگيتي او ما تسوه المره من غير والي

### نعي في رثاء الشباب عن حال الوالده

نالني الولد والله ابمّماته او ظلّيت أون أنه او خواته

او لظيچ إحنه رايداته

\* \* \*

يمغسله نَزَع مِحْبسه والچفن خاله ابراطه لبسه

ابنفسني ردت ابني أعرسه

ابراظه يخاله من تدفنه      ابني ابشبابه ما تهنته  
أنه الوالده او مشبعت منه

\* \* \*

ظليت أون واجذب الحسره      او عكب الولد دنياي كشره  
او مكسور كلبى واشيجيره

\* \* \*

يلما وصل عشرين سنك      من نومت التربان بسك  
خافن اتراب اللحد مسك

\* \* \*

فگدك صعب يمه عليه      أو مگدر على اغيابك اشويه  
او نار الكلب عكبك سرية

\* \* \*

ابگلبى بگت يا ناس وئه      عالماش شاب او ما تهنته  
وابموتته والله شدهنه

### نعي في رثاء الشباب لحادثة السيارة

امنين يدرويل اجيته      وادعمت ابني او موتيته  
او يتمت بزره او ساب بيته

\* \* \*

شتريد يدرويل دعمته      او كدّرت حالي او حال أخته  
او ظلت يتيمه اخلافه بتّه

\* \* \*

اتعزَّ ابثوبي لفيته او مطروح عالرسته لگيته  
او ريتك عمه ياللي ادعميته

\* \* \*

لو أدري بالمتكار ايدعمك چان اگعدت بالبيت يمك  
وابعيني وابروحي أضمك

\* \* \*

يا ولد يبني بعدك اشباب واشعاجك النوم التراب  
او عگبك ييمه بيش أنهاب

\* \* \*

مدعوم وامسلهم اعيونه او يا من يگل أهله يجونه  
او گبل المنيه ايودعونه

\* \* \*

لوليدهم خالهم يجون او من شوفته يتودعون  
حاله خطر ما ظن يلحگون

\* \* \*

وسفه متت يالبعديك اشباب او گلبي على افراگك تره انعاب  
او حيلي هدمته والگلب ذاب

### قصيده بعنوان يمه اهواي

أيتها الأخوات الفاضلات! قال الله في كتابه العزيز، أعوذ بالله من الشيطان  
الرجيم، بسم الله الرحمن الرحيم: ﴿وبالوالدين إحسانا إِمَّا يَبْلُغَنَّ الكبر عِنْدَكَ  
أحدهما أو كلاهما فلا تقل لهما أفّ ولا تنهرهما واخفض لهما جناح الذلّ وقل



لهما قولاً كريماً صدق الله العلي العظيم.

أيها القارئ الكريم! إن فضل الوالدين لا يُعدّ ولا يحصى وبالأخص الوالده  
لأنّها حملت بالجنين بين أحشائها تسعة أشهر وجازفت لأجله متاعب كثيرة  
وتحمّلت آلام وآلام فيجب على كلّ الأبناء أن يحترموا آبائهم وأمهاتهم ولا  
يعصيانهم في شيء لأنّهم أعرف بمصلحتهم وإذا كبر أحدهم يجب على الأبناء  
أن يقوموا برعايتهم لكي يرضى الله عنهم لأنّ رضاء الله سبحانه وتعالى من  
رضاء الوالدين وعن النبي ﷺ قال: إن الجنة تحت أقدام الوالدين، فعسى الله أن  
يهدي المؤمنات والمؤمنين إلى فعل الخير.

وبعد؛ أيها القارئ الكريم! إنّي نظمت هذه القصيدة حبّاً إلى والدتي لأنّي  
في يوم من الأيام اشتقت إليها كثيراً فجلست حزينّة على فراقها فنظمتها،  
والسلام على من اتّبع الهدى.

يُمّه اهواي عنيتي عليه      وافراڭ يشفجه صعب ليّه

\* \* \*

افراڭ ييمّه ما أحمله      او دمعي اعليج دايم دم اهمله  
يمّه اوياج بس الكعده تحله      او ما تحله اويه غيرج أبد هيّه

\* \* \*

بس تحلالي الكعده تره اوياج      واتمّه أشوفج واكعد احذاج  
او ما أصير فرد ساعه بلاياج      او ليل انهار أجر ونّه خفيّه

\* \* \*

ليل انهار بس ادموعي تجري      واخلافج بعد ماريد عمري  
او ماريدن الدنيا او حتّه بزري      او كعداتج تره عنن عليّه

\* \* \*

ما يرتاح قلبي وانتى زين تدرين  
او ما يرتاح بالى يمّه يا ضوه العين  
ريت أنه فدوتج وانتى كون تبقين  
فوك الراس خيمه وانتفى عليه

\* \* \*

إذا أنكرچ ييمّه ايبيد حيلي  
او سهرانه أضلنّ طول ليلي  
واتمّه فَرَدُ ساعه تجيلي  
او نتسامر ولو لحظه سويّه

\* \* \*

شفتي العظيم لجلي او ما شكيتي  
او يامه آلام لجلي اتحمّليتي  
او برباتي ييمّه اتلوعيتي  
او شفتي العظيم والهم والأذيّه

\* \* \*

يمّه يا حياتي او يا ضوه العين  
أطلب بالصلاة كاليوم مرتين  
ربّي يرضى عنّي وانتى ترضين  
وابگه خادمه لبِن الزچيّه

## ونصل الآن إلى باب المواليد والأفراح

### قصيدة لميلاد أمير المؤمنين ﷺ

ترگص طرب دنياه  
ابمولد علي مولانه

\* \* \*

عال گمر ويلالي  
اي بالله

بسم الأمير الغالي  
اي بالله

او بيه نضرب الأمثالي  
اي بالله

او كلها الناس فرحانه

\* \* \*

كلمن تكضّه فرحان اي بالله  
ابميلاد سيد الأكوان اي بالله  
هوّد نصير الرحمان اي بالله  
او هوّد العدل ميزانه

\* \* \*

لجلك نصينه الزينه اي بالله  
او كلنه جمع فرحينه اي بالله  
مولدك خير اعليه اي بالله  
او بالحشر لا تنسانه

\* \* \*

حزت الفخر يا مولاي اي بالله  
أو من نورك ضوّت دنياي اي بالله  
وانته شفيعي وأمنائي اي بالله  
او بسمك زهت دنياه

\* \* \*

بيك الدّنيه اتنورت اي بالله  
والكعبه بيك أشرفت اي بالله  
او رايات الخير اتعلّت اي بالله  
والخالقك سبحانه

\* \* \*

يا سيّدي يا عالي الشان اي بالله

ابجاه النبي والقرآن اي بالله  
اتحل مُشكلت كل حيران اي بالله  
او تغفر اذنوبي أنه

### قصيده لميلاد فاطمة الزهراء عليها السلام

للنبي نبعت تحيّه ابمولد الزهره الزجيه

\* \* \*

ياالله خالنهتي نبينه هالله هالله  
ابمولد الزهره الأمينه هالله هالله  
او نحتفل واجب عليه هالله هالله  
او ياالله خالنفرح سويّه

\* \* \*

يا هله او مرحب بسمها هالله هالله  
فاطمه او محله لقبها هالله هالله  
الزاجيه سماها ربها هالله هالله  
او زوجها حامي الحميه

\* \* \*

صبحت الدنيه زهيّه هالله هالله  
ابعيد ميلاد الزجيه هالله هالله  
سيدة النسوان هيّه هالله هالله  
او نورت بيها الدنيه

\* \* \*

ابمولدج يَمّ الأيمّه هالله هالله

كل حزين ايزهل همّه هالله هالله

إنّتي للمُحتاج رحمة هالله هالله

او والدج سيد البريه

\* \* \*

يم حسن بسمج أنادي هالله هالله

أريد تنطيني امرادي هالله هالله

إبجاه أبوج النبي الهادي هالله هالله

تغفريلي كل خطيه

### قصيدة لميلاد الإمام الصادق عليه السلام

هذه البالعلم ناطق إمامي جعفر الصادق

\* \* \*

هلهل مولده اعلينه يا شيعه او تهنيته

او لجله اعلام نشرينه إمامي جعفر الصادق

\* \* \*

هذه سادس اليمه ياميه هله بسمه

إنهتي والده او أمّه او سبحانه الإله خالق

\* \* \*

هذه اللّي جيّه للدين عنده اورائه من احسين

ياميه هله او سهلين أو لجله العلم لايق

\* \* \*

نوره ضود بالأكوان      أو لشيعه صَبَحَ عنوان  
او هوْد لِلعْدل مِيزان      جَلَّ الخالق الناطق

### قصيدة لميلاد أم البنين عليها السلام

ابمولدج يَمّ البنين      فرحت الشيعه اجمعين

\* \* \*

مولدج نَوْرَ علينه      هالله هالله  
واجتمعنه واقرحينه      هالله هالله  
انريد دومچ تحضرينه      هالله هالله  
ابجاه ربّ العالمين

\* \* \*

نفتخر كل وكت بسمچ      هالله هالله  
او نطلب امن الله او منّج      هالله هالله  
او من ابو النوماس اينچ      هالله هالله  
إمراد تنطينه الحين

\* \* \*

ابيوم مولودج فرحنه      هالله هالله  
وابتشرنه او زال همنه      هالله هالله  
تقبلي انريدج نذرنه      هالله هالله  
او بالشدايد تحضرين

\* \* \*

إحضرينه بالشدايد      هاالله هاالله

ابجاه عباس المجاهد      هاالله هاالله

الفده روحه او گال ماريد      هاالله هاالله

للعمر بعد الحسين

\* \* \*

نندعي ابكل فريضه      هاالله هاالله

إتشافني إنه كل مريضه      هاالله هاالله

او كل جريح ايزيل غيظه      هاالله هاالله

ابجاه ربّ العالمين

\* \* \*

أسئّلج ياالعاميّه      هاالله هاالله

ابجاه حمّاي الحميّه      هاالله هاالله

تغفريلي كل خطيّه      هاالله هاالله

وابمّماتي تحضرين

### قصيده لميلاد الحوراء زينب عليها السلام

ياهله ابميلاد زينب ياهله      ياهله بخت الشهيد الفاضله

\* \* \*

ياهله ابميلادها او مرحب نگول      بالنظال اتوسّمت بتّ البتول

كامله او جدها النبي طاها الرسول      الأشرق ابنور او هده اجمع المله

\* \* \*

ياهله ابهاليوم يوم الماجده      ياهله بخت الشهيد الصامده

بالصبر كَصَّتْ عمرها أو عابده

\* \* \*

صبحت الدنيا زهيّه امنوره

واجب انهنّي البتوله الطاهره

\* \* \*

ابهل ولاده كل مُحِب عَنَّهُ أو فرح

واليحِب بيت النَّبي نال أو نجح

\* \* \*

الكون ضَوّه ابهل ولاده وازدهر

او حيدر الكرّار والدها الأغر

\* \* \*

اليتديه او يسئل أبد لا ما يخيب

ثبته سيّد الملل طاها الحبيب

\* \* \*

فرحت الأملاك كلها بالسما

أو عبره خالناخذ يَحْيِيّتي المسلمه

\* \* \*

والمدح رايد على بيت الهداة

او يحضروني اريدهم وكت الممات

### قصيدة ميلاد فاطمة الزهراء عليها السلام

ابولادة فاطمه الكون ازدهر

والنبي مسرور صدره وابتشر

\* \* \*



ابتشر صدر النبي بُمّ الحسن  
او عيّدت كلّ العوالم والمُدن  
او شعت الأنوار وانزال الحزن  
او كل بطّاح الكون ضوءه وازدهر

\* \* \*

اتباشرت لملاك والخور افرحت  
او ضوّت الدينه عليه او نورّت  
واشرق النور بأرض مگّه او زهت  
او كلمن اتشوفه سعيد او مبتشر

\* \* \*

أشرفت مگّه ابولادة فاطمه  
او نزل جبرائيل من سبع سمه  
او نورّت اديار اللّي چانت مظلمه  
او للوصي هته او لعد حيدر لغزّ

\* \* \*

صبحت الدينه زهيّه امنوره  
او للنبي نبعت تحيّه امعطره  
ابمولد الزهره الجليله الطاهره  
او تحله هاليوم القصائد والشعر

\* \* \*

قرّت اعيون النبي طاها الأمين  
او گال أهى سيدت نساء العالمين  
ابمولد الزهره العفيفه أمّ الحسين  
او تشفع أهيه بالقيامه للبشر

\* \* \*

ياهله ابست النساء الفاضله  
او بالحشر أهيه الشفيعه للمله  
ياهله ابميلادها او كلّ الهله  
واسئل الله ابمما تي إتحضر

\* \* \*

شعت الأنوار والشمس أشرفت  
او يوم جابتها خديجه أفرحت  
وابولادة فاطمة الخور أنزلت  
او زال همهما وابتشر منها الصدر

## قصيده فكاھيہ بعنوان آه يا عمتي

آد يا عمتي اقهرتني احرگت گلبي او شيبتي

\* \* \*

شيبتي او تدق بيہ هالله هالله

او كل وكت تدرم عليہ هالله هالله

اتھوش يمہ اتگول حيہ هالله هالله

وابوسط گلبي الدغتي

\* \* \*

اطلعت نغمه<sup>(۱)</sup> موش عمہ هالله هالله

او گلبي منها كثر همہ هالله هالله

عسه اٹگها<sup>(۲)</sup> كون جمہ هالله هالله

مدري ليش املوعتني

\* \* \*

املوعتني دوم هيہ هالله هالله

او بس تداحرني يخيه هالله هالله

آه ربّي اشهل بليہ هالله هالله

والله كلفى او حيرتني

\* \* \*

مرّضتني او ضاع طبيّ هالله هالله

او صار بيہ سكته قلبي هالله هالله

(۱) نغمه: نغمه. (۲) اٹگها: اتصبيها.

اليَمْتَه أَتَحْمَلُ يَرْبِي هَالله هَالله

إِهْوَايَه عَمْتِي مَرْمَرْتَنِي

\* \* \*

مَرْمَرْتَنِي هَاي مُدَّه هَالله هَالله

أَوْ صَارَ بِيَّه أَلْمُ مُعَدَّه هَالله هَالله

چَنْتْ أَرْهِي أَتْگُولُ وَرْدَه هَالله هَالله

صَرْتْ عَوْدُ أَوْ ذَبَلْتَنِي

\* \* \*

صَرْتْ عَوْدُ أَوْ زَادَ هَمِّي هَالله هَالله

أَوْ رَحْتْ عَوْدُ أَشْتَكِي الْعَمِّي هَالله هَالله

گَالِ بَالله عَنِّي زَمِّي هَالله هَالله

وَالله عَمْتِجْ سَوَدْتَنِي

\* \* \*

أَشْهَلُ بَلِيَّه الطَّحْتِ بِيهَا هَالله هَالله

الْأَمْرُ كِلَّهْ بِيديهَا هَالله هَالله

وَالْوَلْدُ يَسْمَعُ حَاجِيهَا هَالله هَالله

أَوْ وَرْتَهْ أَعْلِيَّهْ أَوْ كَتَلْتَنِي

\* \* \*

عَمْتِي كَلْفَهْ أَهْوَايَه هَالله هَالله

وَاحْرَگْتْ گَلْبِي أَوْ چَلَايَه هَالله هَالله

أَوْ وَرْتَهْ أَوْ طْگَنِي أَبْجَنَايَه هَالله هَالله

وَاهِيَّهْ تَضْحَكُ وَاحِيْرْتَنِي

شَبَّبتِ النيرانِ بِيَّهَ      هالله هالله  
من شفتها ولج خيَّه      هالله هالله  
تحيين او تضحك عليَّه      هالله هالله  
اشلون أسوي موَّتتني

### قصيده بعنوان لبنيَّه محلاها

لبنيَّه محلاها هالليله محلاها      او چنها گمر ضاوي لبنيَّه محلاها

\* \* \*

امبارك الحنَّه      الكل إلج هَنَّه  
او طير السعد غَنَّه      لبنيَّه محلاها

\* \* \*

محلاها بالجلسه      تستاهل الودسه  
والشافها اتونسه      لبنيَّه محلاها

\* \* \*

الكل إجه ليها      يا أمها حنيَّها  
حَنَّه نهنيَّها      لبنيَّه محلاها

\* \* \*

محله عروستنه      بالفرح جمعته  
او كل إحنه ونستنه      لبنيَّه محلاها

\* \* \*

چَنها شطب ريحان      والخد غصن رمان  
يحفظها الرحمان      لبنيَّه محلاها

تستاهل الجلوه      هالليله الحلوه  
تحضرها الزهره      ابجاه النبي طاها

### قصيده فكاھيه بعنوان غضب أهلي

غضب أهلي زوّجوني      بگوع او شايب بلوني

\* \* \*

ورّطوني اهلي ابشايب      هالله هالله  
او فوگ هازه بعد عايب      هالله هالله  
شاب راسي امن المصايب      هالله هالله  
او بالسنه مرّه ميجوني

\* \* \*

شَـيِّبَتِ أَوَّلَ شِـبَابِي      هالله هالله  
او مَحَدَّ اِيحَسَّ اِبْعَذَابِي      هالله هالله  
وَالْقَهْرَ دَمَّرَ اَعْصَابِي      هالله هالله  
او كل وكت مخطوف لوني

\* \* \*

خل أسولف عن قضيتي      هالله هالله  
گلت عود آخذ أكويتي      هالله هالله  
وأنسعد وأكعد أبّيتي      هالله هالله  
تالي للشايب نطوني

\* \* \*

إنطوني للشايب يخيه      هالله هالله

او صار بيّه ألم كُليه      هالله هالله  
چيح يختي الجابه ليّه      هالله هالله  
او فوگ هازده يحسدوني

\* \* \*

ايريد منّي أغشمرنه      هالله هالله  
وأنه أكره مكرهته      هالله هالله  
إشلون بلود إشلون مِحنه      هالله هالله  
او وسفه أهلي محنوني

\* \* \*

ضاگت الدنيا عليه      هالله هالله  
او سكته قلبي صار بيّه      هالله هالله  
او شَيَّبْت وآنه ابنيّه      هالله هالله  
او كل وكت تهمل اعينوني

\* \* \*

أيها القارئ الكريم! نظمتُ هذه الهوسات بمناسبة مجيء رئيس  
الجمهورية الإسلامية المحترم السيد محمد خاتمي أطل الله في عمره إلى أرض  
خوزستان أرض الخير والعتاء ورمز البطولة والوفاء.

يا هله ابجيتك يسيد يا شهم      يا أصيل او من أهل بيت العلم  
كلها تتفدك نسوان او زلم      (أهلاً بالقائد كلنه اجنود او تتقدّاه)

\* \* \*

يا هله ابجيتك يسيد من اجيت      شرفتنه ابجيتك من شرفيت  
والك كل الشكر يوم النه اعتنيت      (نشكر منك يا هيبه)  
تمت القصيدة بعون الله تعالى والسلام عليكم ورحمة الله وبركاته



## المحفوظات

- ٥ ..... لطمية في اليوم الأول
- ٦ ..... نعي في اليوم الأول
- ٧ ..... لطمية في اليوم الثاني
- ٨ ..... لطمية في اليوم الثالث للنزول بأرض كربلاء
- ٩ ..... لطمية في اليوم الثالث لنصب الخيام
- ١٠ ..... نعي في اليوم الثالث
- ١١ ..... لطمية في اليوم الثالث عن حال زينب عليها السلام تخاطب العباس عليه السلام
- ١٢ ..... نعي في اليوم الثالث
- ١٣ ..... لطمية في اليوم الثالث عن حال زينب عليها السلام تخاطب الحسين عليه السلام
- ١٥ ..... لطمية في اليوم الرابع لفاطمة الكبرى عليها السلام عندها رحلوا أهلها
- ١٦ ..... هوسات في اليوم الرابع
- ١٦ ..... لطمية في اليوم الرابع عن حال العلي
- ١٧ ..... حديث في اليوم الرابع
- ١٨ ..... نعي من بعد الحديث
- ٢٠ ..... لطمية في اليوم الرابع
- ٢١ ..... حديث في اليوم الرابع لفاطمة الكبرى عليها السلام
- ٢٢ ..... نعي بعد الحديث
- ٢٣ ..... لطمية في اليوم الرابع عن حال فاطمة الكبرى عليها السلام عندما رحلوا أهلها
- ٢٤ ..... نعي في اليوم الخامس عن حال حميده



- ٢٦..... هوسات في اليوم الخامس في رثاء مسلم بن عقيل عليه السلام
- ٢٦..... نعي في اليوم السادس عن حال زينب عليها السلام
- ٢٧..... هوسات في رثاء أولاد مسلم عليه السلام
- ٢٨..... نعي في اليوم السابع عن حال زينب عليها السلام
- ٢٩..... لطميه عن حال زينب عليها السلام تعاتب قمر بني هاشم
- ٣٠..... نعي عن حال زينب عليها السلام تخاطب العباس عليه السلام
- ٣١..... نعي في اليوم الثامن عن حال الأم الحزينه
- ٣٢..... قصيد في اليوم الثامن للقاسم عليه السلام
- ٣٣..... نعي في اليوم الثامن عن حال رمله
- ٣٤..... هوسات في اليوم الثامن عن حال الأم المنكسرة
- ٣٤..... لطمية في اليوم الثامن عن حال رمله عندما فقدت القاسم عليه السلام
- ٣٦..... لطميه في اليوم التاسع عن حال ليلي تخاطب علي الأكبر عليه السلام
- ٣٨..... هوسات في اليوم التاسع
- ٣٨..... نعي في اليوم التاسع لعلي الأكبر عليه السلام عن حال أمه ليلي
- ٤٠..... لطميه في اليوم التاسع لعبدالله الرضيع عن حال الرباب
- ٤١..... نعي في ليلة الوداع عن حال زينب عليها السلام تخاطب إختها
- ٤٢..... هوسات في الليلة العاشرة عن حال زينب عليها السلام تخاطب الحسين عليه السلام
- ٤٣..... لطميه في ليلة الوداع
- ٤٥..... نعي في الليلة العاشرة للوداع
- ٤٦..... قصيد في اليوم التاسع
- ٤٦..... نعي للحسين عليه السلام
- ٤٧..... قصيد للحسين عليه السلام في سائر الأيام
- ٤٧..... نعي بعد الحديث
- ٤٨..... نعي في رثاء الحسين عليه السلام عن حال زينب

- ٤٩ ..... نعي في الليلة الحادي عشر.
- ٥٠ ..... هوسات عن حال زينب عليها السلام تخاطب اخوتها
- ٥١ ..... نعي في اليوم الحادي عشر والثاني عشر.
- ٥٢ ..... لطميه عن حال زينب عليها السلام بعد المعركة.
- ٥٣ ..... نعي عن حال زينب عليها السلام في سائر الأيام
- ٥٤ ..... حديث للأربعين عن حال أمّ البنين عليها السلام
- ٥٦ ..... نعي بعد الحديث.
- ٥٧ ..... لطميه للفاطميات
- ٥٨ ..... نعي للفاطميات
- ٥٩ ..... لطميه في الليلة العشرون من شهر رمضان
- ٦٠ ..... نعي عن حال زينب عليها السلام عندما فقدت والدتها ووالدها
- ٦٢ ..... لطميه عن حال أولاد أمير المؤمنين عليهم السلام بعد وفاته
- ٦٣ ..... لطميه عن حال زينب تخاطب أمها فاطمة الزهراء عليها السلام
- ٦٤ ..... نعي حال زينب عليها السلام بعد وفاة أمها
- ٦٥ ..... لطميه عن حال زينب عليها السلام تخاطب أمها
- ٦٦ ..... نعي عن حال زينب عليها السلام تخاطب أمها
- ٦٧ ..... ونصل الآن إلى باب الفواتح والأحزان
- ٦٨ ..... لطميه في رثاء الوالده عن حال البنت المنكسره
- ٦٩ ..... نعي في رثاء الأحباب
- ٧٠ ..... لطميه للأهل
- ٧٢ ..... نعي في رثاء الأهل
- ٧٣ ..... نعي في رثاء الحبايب
- ٧٤ ..... نعي في رثاء الحبيبة الذي ليس لها ولداً ولا بنت
- ٧٥ ..... نعي في رثاء الوالده عن حال بناتها من بعد الوفاة

- ٧٦ ..... لطميه في رثاء الوالده عن حال البنت الذليلة .
- ٧٧ ..... نعي في رثاء الأم العزيزه والبنت اليتيمه .
- ٧٨ ..... لطميه في رثاء الوالده الحنونه عن حال البنت المنكسره .
- ٧٩ ..... نعي إلى كُلِّ أمِّ حنونة .
- ٨١ ..... لطميه في رثاء الحديثه عن حال الأم الحزينه .
- ٨٢ ..... نعي في رثاء الحديثه تخاطبُ أمَّها .
- ٨٢ ..... جواب الأم الحزينه لبنتها .
- ٨٣ ..... نعي في رثاء الأخ والأخت الحزينه .
- ٨٤ ..... لطميه في رثاء الأخ والأخت المنكسرة .
- ٨٥ ..... نعي في رثاء الأخ والأخت الغريبه .
- ٨٦ ..... لطميه في رثاء الأخ والأخت الذليله .
- ٨٧ ..... نعي في رثاء الشباب عن حال الوالده .
- ٨٨ ..... نعي في رثاء الشباب لحادثه السيّارة .
- ٨٩ ..... قصيده بعنوان يُمّه اهواي .
- ٩١ ..... ونصل الآن إلى باب المواليد والأفراح .
- ٩١ ..... قصيدة لميلاد أمير المؤمنين عليه السلام .
- ٩٣ ..... قصيده لميلاد فاطمة الزهراء عليها السلام .
- ٩٤ ..... قصيدة لميلاد الإمام الصادق عليه السلام .
- ٩٥ ..... قصيدة لميلاد أم البنين عليها السلام .
- ٩٦ ..... قصيده لميلاد الحوراء زينب عليها السلام .
- ٩٧ ..... قصيدة ميلاد فاطمة الزهراء عليها السلام .
- ٩٩ ..... قصيده فكاھيه بعنوان آه يا عمتي .
- ١٠١ ..... قصيده بعنوان لبنتي محلاها .
- ١٠٢ ..... قصيده فكاھيه بعنوان غصب أهلي .